

BJALO KA NTŠHU E HLATHA



A re feleng re eme feela nakwana bakeng sa thapelo.

² Tšohle dikopano tše tša mafelelo, ka mehla di no fihla kgauswi le nna. Ka mokgwa wo mongwe, ge re hwetšana seng le go ithuta go tsebana, gobaneng, le go no thoma go kopanela, gona ke nako go ya felotsoko gape. Ka mehla e mpha maikutlo a mannyane a go nyamiša. Eupša go lebelela pele, ke lebeletše go letšatši leo ge bohole re tla kopanago gape, gomme re tla ba ka lefelong, mohlomongwe, ge Jesu a etla pele re kopana lefaseng gape, moo re ka se tsogego, ra tsoge ra arogana gape.

³ Ke a makala ke ba bakae ba ka ratago go gopolwa go Modimo, morago ga sekgalela se, ge re phagamiša diatla tša rena thapelang? Morena a le šegofatše.

A re ka inamiša dihlogo tša rena feela nakwana.

⁴ Ramaatlakamoka Modimo, Mohlodi wa magodimo le lefase, le Mothomi wa Bophelo bjo bosafelego, le Mofi wa mpho ye nngwe le ye nngwe ye botse, re tla ka meriting ya kgaogelo ya Gago, ka thapelo, Leineng la Jesu, Morwa wa Gago, go neela go Wena gofaditebogo ga rena bakeng sa kopano ye kgolo ye ya Tulsa, bakeng sa se e se rilego go rena, lefelo ka pelong ya rena leo re ka se tsogego ra lebala ka batho ba bakaone ba. Le ge, Moya wo Mokgethwa wa Gago ka go bona, a kopanelo e bilego yona: kgwatho ye nnyane ya Legodimo ka maphelong a rena, boitemogelo bjo re ka se tsogego ra bo lebala. Re a rapela, Tate, gore Moya wa Gago ka mehla o tla dula ka go batho ba. A nke, go tšwa go kgwekgwe ya kgobokano ye nnyane ye, e dire tsošeletšo go phuletša ntle ka go kereke ye nngwe le ye nngwe go kgabola naga. A nke maswao a magolo le dimaka di phethagatšwe. Re a rapela, Morena, gore O tla fa dilo tše.

⁵ Godimo ga teseke ye go letše, morago ga sekgalela se, ke disakatuku le diripana tše nnyane tša mašela tše di yago go balwetši le batlaišwa. Ramaatlakamoka Modimo, ke a Go rapela, Leineng la Jesu, gore mang le mang yo tše di mo kgwathago, yo a babjago, a nke ba fodišwe; ga se feela thapelo ya ka mong, Tate, eupša thapelo ya otithoriamo ye kgolo ye e tletšego Bakriste, morago ga sekgalela se. Re e neela ka mmtero o tee, bakeng sa bao ba hlokago.

⁶ Morena, re a rapela gore O tla re šegofatša ka go mešomo ya pejana ya letšatši le. Re rapelela dikereke, bosegong bjo. A nke go no ba letago le thabo ya go se bolelege ka kerekeng ye nngwe le ye nngwe. Re fe tšologelontle ye kgolo ya Bogona bja Gago, morago ga sekgalela se. A nke Moya wo Mokgethwa o tle ka go Lentšu, gomme a nke Lentšu le be ka nameng ya rena le go dula

fa le rena morago ga sekgalela se. Ka gore re e kgopela Leineng la Jesu. Amene.

Le ka dula.

⁷ Go modiredi yo mongwe le yo mongwe, go bašomi bohole, mohlokemedi, le go diašara, le bohole; bakeng sa nnamong le sehlopha sa ka: Ngwanešu David, Ngwanešu Roy, Billy Paul, Loyce, Ngwanešu Fred Sothmann, Ngwanešu Jim Maguire, Ngwanešu Gene, le Leo, bohole re nyaka go le leboga bohole bakeng sa botho bja lena, le se le se rilego go rena ka kopanong ye. Ka nnete le bile ba babotse kudu. Ditlhompho tše bjalo le lerato leo re le kgobokantsego ka dipeleng tša rena, bakeng sa lena, le ka se tsoge la phumulwa. Ke la go se phumulege. Gomme re a tshepa gore Modimo o tla le fa ka go fetiša, ka botlalo ka godimo ga tšohle ebole le ka kgonago go di nagana goba go di kgopela. A nke Modimo a le fe yona ka go bohumihumi bja mogau wa Morwa wa Gagwe, Jesu Kriste.

⁸ Ngwanešu Tommy Osborn, o fa ka kopanong. Morena Modimo a be le Ngwanešu Tommy. Ngwanešu Oral o thomile sekgaleleng se, gomme ke a nagana go tsupologile mošifa goba se sengwe, se hlephile, mo leotong la gagwe; gomme ka pela ge tirelo e fedile, ke mo tseleng ya ka go mo rapelela. Gomme bjale go bohole bašomi ba Ngwanešu Roberts le bašomi ba Ngwanešu Tommy, le go dikereke le bohole: Modimo a be le lena, ke thapelo ya ka. Ka mehla le tla—le tla ba ka pelong ya ka, bakeng sa nako ye. Gomme a nke botelele Tulsa a eme, botelele a nke mošomo wa Modimo o dule ka go yona, ke thapelo ya rena. Gomme re holofela go ba morago le lena gape nako ye nngwe.

⁹ Gomme ge re ka tsoge ra ba mohola go lena, ka tsela e ka ba efe! Ke be ke fela ke dira setatamente se: bošego ga bo tsoge bja ba leswiswi kudu, goba pula ga e tsoge ya na thata kudu, eupša se re ka se dirago e ka ba eng seo se letšego ka maatleng a rena go dira bophelo go iketla gannyane le go šegofala go lena. Ge re ka kgonago go ba thušo ye e itšego go lena, e nong go re dira re tsebe. E nong go re leletša ka Jeffersonville, Indiana, BUTler 2-1519, goba e no nteletša ka Jeffersonville. [Nomoro ya mogala e fetotšwe—Mor.] Re ka kgonago go go romela lešela la thapelo, ra go rapelela, feela eng kapa eng re ka kgonago go e dira. Ke rena bahlanka ba lena Moreneng.

¹⁰ Kafao ke mohuta wo mobe go tla bofelong bja tirelo boka ye, ge o be o ne nako ye bjalo ya go makatša, eupša nako ye nngwe re swanetše go sepela, go le bjalo.

¹¹ Go tsebeng se, gore feela go kgabaganya Noka, letšatši le lengwe ge bophelo bo fedile, gomme ke dula tafoleng ye kgolo yela, e tla atlalala go kgabola mafaufau, Selalelo sa Monyanya, gomme re lebelela go kgabaganya tafola go seng sa rena, re tla elelwa dinako tše ka Oakland. Ntle le go kamaka, mogokgo wo monnyane o ka rotha go theoga lerama la rena, bakeng sa thabo,

gomme Kgoši, ka go bobotse bjohle bja Gagwe, o tla tšwela ntle, ka go kobo ya Gagwe ya go ratega ye tšhweu, a phumola megokg yohle go tloga mahlong a rena, le go re, “Le se sa lla gape. Go fedile bjale. Tsenang ka mathabong a Morena ao le a lokišeditšwego go tloga go theweng ga lefase.” Yeo ke iri ye ke e phelago.

¹² Ke lebelela fase go putla badiredi ba ka ba go dirišana fa, gomme ke bona ba bantši ba bona ba bagolwane go mpheta. Go molaleng ntle mo mokgotheng, ka katara le thamporine, go bula tsela, go ala dithitelo le go ritela mafelo a makukuno, gore bodiredi bjo bjoo Morena a mphilego bjona, bo ke bo sepele go thelela go theoga tsela.

¹³ Baena ba ka ba bohlokwa, ke ikwela bonnyane, go ema godimo fa le lena tlase kua. Yeo ke nnete. Go na le tlhompho e ka ba efe go fiwa, e ya go lena. A nke Modimo ka mehla a le šegofatše wa go huma. Letsatši lela ge moputso o fiwa, ke holofela go be ke eme ke le gona ge ke le bona le rwešwa mphaphahlogo ka Letagong la Gagwe.

¹⁴ Dinakwana di se kae tša go feta, ke be ke bolela le modiredi morago kua. Leina la gagwe ke Ngwanešu Nathan, o boletše. O ſoma magareng ga Bajuda. Gomme o rile, “Ngwanešu Branham, bošegong bja mathomo, ge o be o le fa . . .” Yena le mosadimogatša wa gagwe. O be a babja. Gomme o rile, “O biditše, ka kopanong, le go mpotša ke be ke le mang, le ka mosadimogatša wa ka le bolwetši bja gagwe.” O rile, “O be a fola, ge e sa le, a no dira gabotse.” Le bontši kudu bja mangwalo a makaone le mabopaki!

¹⁵ Bjale, mohlomongwe ga se o hwetše sakatuku sa gago ka fa. Ge re ka kgona go go thuša, ka tsela e ka ba efe, go go romela leſela le lennyane, bjale, fao go tla ba sebopego se sennyane. Re na le lenaneo la thapelo le le yago go dikologa lefase. Batho ba a tsoga, mo diiring tšohle go kgabola bošego, le go boloka lenaneo le la thapelo. Ka mehla ka nako ya Seelo sa Bohlabela, re a rapela ka iri ya senyane mosong, ka iri ya lesomepedi, le ka iri ya boraro. Tšeо ke diiri tša sehlabelo tša Testamente ya kgale ya Bajuda. Gomme re rapela seo. Gomme batho go dikologa lefase ba ema ka dinako tša go fapano, ka go ketane ye kgolo ya thapelo, gore bohole re rapele mmogo, yo motee go yo mongwe. Kafao ke na le nnete Modimo o tla kwa thapelo. Dilo tše botsebotse kudu di tlide ka gare, tše A di dirilego. Gomme re nyaka go go bea go lenaneo la rena la thapelo, go rapela le rena mo diiring tšeо.

¹⁶ Gomme bjale, ntle le go kamaka, eupša gabotse e sego kgale, ke tla ba mošwamawatle gape, Morena ge a rata.

¹⁷ Re kgoboketša mašeleng a mannyane fa. Gomme gale, Morena o ntirile ke bolele seo gore ke kgone go elelwa. Ba tšere meneelo ye mebedi ya lerato, ke a dumela, bakeng sa ka. Le tseba ka fao ke thabelago seo. Bjale, ga go sente e tee e tla

yago ka sebele go nna. E ya ka go motheo wa kereke bakeng sa maboromiwa a mošwamawatle. Le a bona? Gomme re tla dira bokaonekaone bjo re ka kgonago, go bona gore tšelete e ya go batho ba ba sa kgonego go kwa Ebangedi, ba sa kgonego go tla. Gomme re tla dira bjona bokaonekaone bja ren. Modimo ka mehla a le šegofatše, ke thapelo ya ka ya go hlokokofala.

¹⁸ Gomme bjale, ge le nyaka le lengwe la mašela a a thapelo, nno nngwalelang. Gomme feela Lepokisi la Poso 325, goba feela Jeffersonville, Indiana, le tla tla go nna. Gomme ge o nyaka go e boloka ka Beibeleng ya gago, e bee ka go Ditiro 19. Gomme batho ba bantši kudu ba mpoditše.

¹⁹ Mohumagadi yo motee o rile, ke a dumela, morwa wa gagwe o ile a thulwa ke sefatana, gomme o be a etšwa madi go iša lehung, go tšwa go kgobola go tšwa go galase, gomme ka fao a kitima ka pela ka nneta gomme a tšea ripone ye. O be a le ka... a dula ka nageng. Gomme a bea ripone ye nnyane go mošemane, gomme madi a eme ka pela. Le dilo tše dintši boka tše.

²⁰ Mosadi ka Jeremane, a golofetše. E go botša o dire eng; kgobokanya baagišani ba gago ba Bakriste, ge mašela a a bewa godimo ga gago, godimo ga pelo ya gago. Gomme o rile, ka morago ga ge se sengwe le se sengwe se dirilwe feela ka tsela ye se bilego... O be a golofetše lebaka la mengwaga ye mmalwa. Gomme o rile, ge a hweditše yeo e phethagaditše, o rile, "Sathane, bjale ga o sa na sekgoba go e ka ba eng gape. Etšwa go nna." A tšwela ka ntle ga setulo gomme a sepela.

²¹ Seo se no ba bonolo bjalo. Le a bona? Kafao ge o ka duma le tee, le ntle le tefo, ntle le poreisi. E no romela, gomme re tla le romela thwi ka go otlologa go wena, ka posong. Bjale, o tla hwetša le—le letlakala la go tlanywa go go fa mokgwa wa go le šomiša. Eupša, elelwang, ke rapetše, nnamong, ka sebele, godimo ga—godimo ga lešela le o tla le romelwago. Ge lesea la ka le be le babja, mosadimogatše wa ka, goba tate le mme wa ka, gomme ke bile le boitshepo ka go thapelo ya yo mongwe, ke be nka se e nyake go ba thapelo ya mongwaledi. Ke be ke tla nyaka ba le rapelele. "Gomme dirang ba bangwe ka mo le tla ratago ba bangwe go dira go lena," molawana wa gauta. Kafao, ren, ka kgonthre re tla thaba go le thuša ka tsela e ka ba efe re ka kgonago. Modimo a fele a le šegofatše bjale.

²² Gomme se sengwe le se sengwe seo se dirilwego se dirilwe ka bose le go ratega kudu, gomme re no e thabela kudu bjalo.

²³ Bjale, ge ke le mošwamawatle, ka mehla go bothata. Gobane, baloi le baloigadi, ga ba boife go go hlasela. Fa feela kgauswana, ka lefelong le rilego, go be go le e ka ba baloi ba lesometlhano ka lehlakoreng le lengwe le le lengwe, ba foša tlhaselo go kgabaganya, gomme ba rile ba be ba tla bitša ledimo gomme le be le tla mphepheula. Gomme, o e dumele goba aowa, ledimo le

tlile. E ka ba batho ba dikete tše masometharo, gomme lefelo le šikinyega feela ka maatla ka fao le bego le kgona.

²⁴ Ngwanešu Arganbright, wa Banna ba Kgwebo ba Bakriste, lena baena le a mo tseba. O be a dutše ka morago ga ka. O rile, "Ngwanešu Branham."

²⁵ Ke rile, "E no dula o šišimale. Moya wo Mokgethwa o nthometše fa." Ke ka baka leo ke sa yego lefelong ntile le ge A nthomela pele, gona ke a tseba nka kgona go tla ka Leina la Morena. Le a bona? Ke rile, "O nthomile fa."

²⁶ Ba bile le lefelo le legolo bogolo le agilwe, feela moo ba no go ba boka pedi ka nne, gomme ditente di kokotetšwe godimo ga lona. Gomme lefelo leo le be le no phagamela godimo le fase. Thwi ka go... e ka ba iri ya bobedi morago ga sekalela. Feel a go hlaka ka mo go kgonago go ba, gomme ledimo lela le ttile godimo ka metsotsye masometharo. Gomme ke nno ema. Ke rile, "Ga se o swanele go hlatholla se." Ke ikwela maatla ale a mabe go tšwa lehlakoreng le lengwe le le lengwe. Gomme bona ba dutše fale, ba retolla diatla tša bona ka lefofa la go ripša, ka dikero. Le tseba ka fao ba dirago.

²⁷ Ke rile, "Morena Modimo, Mohlodi wa magodimo le lefase, O bile Yena a nthomilego fa. O na le boikarabelo ka bodiredi bjo ke Go rwalelago bjona. Ke kgalemela ledimo lela, Leineng la Morena Jesu."

²⁸ Gomme go no arogana thwi morago. Medumo e rorile go tloga, gomme letšatši le be le phadima, bonnyane go feta metsotsye mebedi, thwi go theoga. Gomme dikete di kitimetše aletareng, le ba nagani ba bokomonisi le se sengwe le se sengwe. Gomme ka fao...

²⁹ Nka se kgone go ema mo le go le botša mabopaki, gobane ka kopanong ya ka mong. Go be go tla ba kaonana ge ba bangwe ba e dira. Eupša, bokgobapuku, ke tla re go be go tla ba le ensaeklopedia, go be go ka ba le dipuku tše dintši di ngwadilwe, gore ke bone Morena Jesu a dira ka go bodiredi bja ka mong bjo bonnyane. O nagana gore e tla ba eng ka go banna ba ba bjalo ka Ngwanešu Tommy Osborn, Ngwanešu Oral Roberts? Ke mo gogolo. Morena wa rena ke yo mogolo. Ka kgonthe ke yena.

³⁰ Bjale ke nyaka go bala Lengwalo le lengwe, morago ga sekalela se. Gomme ke na le mafelo a se makae a ngwadilwe fase mo, ge ke fihla go lona. Gomme ka gona re... ke a dumela morwa wa ka o mpoditše gore o file dikarata tsoko tša thapelo, gomme re ya go rapelela balwetši.

³¹ Ge nka se tsoge ka bea mahlo go e ka ba mang wa lena bohole gape, ge nka se tsoge ka le bona ka bophelong bjo; ge ke kopana le lena Kgorong yela, pele re eya ka gare go ema pele ga Kriste, dipono go tšwa go Modimo ke therešo le kgonthe. Morongwa wa Morena, le Pilara yela ya Mollo le Seetša, kafao nthuše, Ramaatlakamoka Modimo, Moahlodi wa ka, E gona. Ke therešo.

Ya. Gore le tsebe gore Ke—Ke therešo. Modimo ke therešo. A ka se be wa maaka gomme a ba Modimo. Yena ke wa mak—... A ka se kgone go ba wa maaka, ka baka la gore O swanetše go ba wa kgonthe. Ge eng kapa eng e le ya maaka, ke Sathané. Eupša Seetša sela, ke Se bone, ke Se lebeletše. Gomme go nna... Hle ntshwareleng ge eba ke dira go nyefola, eupša, go nna, ke Pilara ya Mollo ya go swana yeo e latetšego bana ba Israele.

³² Gobane, E be e dutše ka go Monna yo a bitšwago Jesu, e bego e le Morwa wa Modimo, gomme bophelo bjo A bo phetšego bo tšweleditšwe gape lehono ke selo se se swanago. O rile, “Ke tšwa go Modimo. Ke ya go Modimo.” Bohle re tseba seo. “Ke tšwa go Modimo, gomme Ke ya go Modimo.” O rile, “KE NNA yena YO A LEGO GONA.” Yeo e be e le Pilara ya Mollo. Yoo e be e le Morongwa yo a bego a le ka sethokgweng. E dirilwe nama gomme ya dula magareng ga rena; ya bowa morago. Gomme E ka sebopego sa go swana lehono. A le be le tseba seo?

³³ Gabotse, o re, “Jesu o be a le...” Gabotse, ke—ke bolela ka Modimo, yo a bego a le ka go Jesu.

³⁴ Ge Paulo a be a le tseleng ya gagwe go ya Damaseko, Seetsa se mo rathetše fase, Pilara ya Mollo. Ga go le o tee wa bohle ba bona a E bonego, eupša Paulo o E bone. E be e le bontši kudu go fihla E mo foufaditše. Gomme o rile, “Wena o Mang, Morena?”

³⁵ O rile, “Ke nna Jesu.” O be a boetše morago go Modimo, moo A tšwago gona.

³⁶ Go nna, Ke Yena gape lehono, a fetša mediro ya Gagwe ka go rena, Kereke, ka matšatšing a mafelelo.

³⁷ A re phetleng go Doiteronomio 32:11, bakeng sa bokamorago bjo bonnyane bja sehlogo. Gomme re tla leka go ba le mothalo wa thapelo, le go tšwa mo nakong ya iri, ge go kgonega. [Kgaetšedi o fa tlhohleletšo—Mor.]

³⁸ O Tate Modimo, ke amogela yeo bjang ka boikokobetšo ka pelong ya ka. Hlahla maoto a ka, swara seatla sa ka, Morena. A nke ke se tsoge ka ba kotanatšhitšo go e ka ba mang, eupša a nke ke be letlapa la go tampelela go mosepedi yo monngwe le yo monngwe a lego mosepelatsela. E fe, Morena. A nke ke se tsoge ka dira selo ka bophelong bja ka seo se tla beago moriti godimo ga Leina la Gago, goba godimo ga taba ya Gago. Gomme ke tla dira tšohle nka kgonago go Go direla. Ke a Go leboga bakeng sa se, Leineng la Morwa wa Gago, Jesu Kriste, Morena wa ka. Amene.

³⁹ Seo se kokobetšago pelo ya ka bjang! Doiteronomio 32:11:
Bjalo ka...

[Kgaetšedi o fa tlhohleletšo—Mor.] Amene. [Kgaetšedi yo mongwe o fa tlhohleletšo.] Amene. A go šegofatšwe Leina la Morena. [Kgaetšedi yo mongwe o fa tlhohleletšo.] Re leboga

Morena bjang, go ba le Moya wa Gagwe o šoma magareng ga rena, magareng ga rena.

Bjalo ka ntšhu e hlatha sehlaga sa gagwe, e phaphasela godimo ga mafotwana a gagwe, a atlalatša diphego tša gagwe ka bopepetla, a a tsea, a a rwala godimo ga diphego tša gagwe:

⁴⁰ Seo ga se bontši kudu bja palo ya Lengwalo, eupša Ke Lentšu la Morena. Le lekanetše fao gore, mohlomongwe, Modimo o tla re fa kgwekgwe go tswa go ye, ka go metsotso ye masomepedi goba masometharo ya go latela, seo se tla dirago batho go phafoga le go nagana ka Morena Jesu.

⁴¹ Le a tseba, nako ye nngwe, ke badile kanegelo, mengwaga e se mekae ya go feta, ka *Bophelo Bja Abraham Lincoln*. Go be go le monna ka kgolegong, gomme o be a le ka tlase ga peomolato ya feterale, gomme o be a eya go thunywa. Gomme mogwera wa go loka wa gagwe o ile go Mopresidente, Abraham Lincoln, monna wa go makatša wa Mokriste. Gomme o rile, “Mna. Lincoln, ke a tseba gore o monna wa go loka, gore o Mokriste. Gomme ka tlase ga peomolato ye ya feterale, gore monna yo o tshetše molao wa pušo ya sešole. Ke mogwera wa ka. O be a sa re go dira seo. O na le molato wa go se dira. O be a sa re go se dira. A o ka se ke hle... Ke wena monna a nnoši yo a ka kgonago go boloka bophelo bja gagwe. A o ka se boloke bophelo bja gagwe?” Gomme mabobo a Mna. Lincoln a topa pene ya gagwe gomme a ngwala go putlaganya seripa sa pampiri, gobane o be a se tesekeng ya gagwe ka nako yeo, go dira setempe sa semmušo. Gomme kafao o ngwadile go e putla, “Ke swarela monna yo,” gomme o saenne leina la gagwe, “Abraham Lincoln.”

⁴² Mogwera yo bohlokwa wa monna yo o kitimile feela ka maatla ka fao a bego a kgora, go ya kgolegong, gomme o rile, “Oo, mogwera wa ka, o lokologile. O lokologile. Leina la Mopresidente šele godimo ga ntsekana ye ya pampiri. O lebaletšwe.”

⁴³ Gomme monna o rile, “O se ke wa nkgolla, ka gore ke komana bjale go hwa, ka baka la gore ke ahloletšwe lehu. Gomme mo o tla go nkgolla ka ntsekana ya pampiri. Ge ntsekana yeo ya pampiri e be e le tshwarelo ya Abraham Lincoln, e be e tla kgabišwa yohle ka dikibo le go ya pele.”

⁴⁴ O rile, “Mohlomphegi, le ke leina la Mopresidente. O lebaletšwe.” Gomme monna o furaletše mokokotlo wa gagwe go yona gomme a se e theetše.

⁴⁵ Mosong wo o latelago, go hlabeng ga letšatši, monna o ile a thuntšhwa pele ga sehlopha sa go thuntšha. Bjale, tshwarelo še go tswa go Mopresidente, yeo e rego, “Le se bolaye monna,” e saennwe letšatši le lengwe. Letšatši la go latela, monna o ile a thuntšhwa.

⁴⁶ Ka gona molato wa sekwa ka dikgorongtsheko tša feterale. Gomme ge kgorotsheko, Kgorotsheko ya Feterale ya United States of America e sekile molato, gomme sephetho sa kgorotsheko sese. “Tshwarelo ga se tshwarelo ntłe le ge e amogetšwe bjalo ka tshwarelo.”

⁴⁷ Gomme yeo ke tsela ye Lentšu la Modimo le lego. Ke phodišo go wena, ge o Le amogela bjalo ka phodišo. Ke tshwarelo go wena, ge o Le amogela bjalo ka tshwarelo. Tšhegofatšo ye nngwe le ye nngwe ka *Fa* ke ya gago ge o Le amogela ka tsela yeo Modimo a Le ngwadilego.

Bjalo ka yona ntšhu e hlatha... sehlaga sa gagwe, e phaphasela godimo ga mafotwana a gagwe, ... e a tšeela godimo ga diphego tša gagwe, le go a rwala.

⁴⁸ Ke makga a makae ke nagannego se Modimo a swantšhago bohwa bja Gagwe, le dintšhu! Gomme ke a hwetša, ka Beibeleng, gore Modimo o ipitša ntšhu Yenamong. Yena ke Jehofa ntšhu. Gomme O tla dira seo bjang?

⁴⁹ Ka fao, ke nna ratlhago. Ka fao ke... Beibele ya ka ya mathomo e be e le tlhago. Ge le ka no šetša ka tsela ye tlhago e šomago, le ka kgona go hwetša Modimo. E ka ba kae o lebelelag, o tla bona Modimo, ge o hwetša Modimo ka pelong gomme wa e šetša. Bjale, ge ba bolela ka go tsenagape ka mmeleng le dilo, tšeо ke bošilo; e ka se kgone go ba.

⁵⁰ Re hwetša gore semela se a hwa, se ya ka mobung; peu e a bola, e phela gape. Ke tsogo. Gomme Bokriste bjhohle bo theilwe godimo ga tsogo. Gomme re kgona go bona gore yeo ke therešo; lehu, poloko, tsogo; dilemo, marega. Tlhago yohle e hlakana thwi ka gare.

⁵¹ Beibele ya ka ya mathomo, e be e le go šetša ka fao mehlare yela e hwilego, ka fao mahlogedi a hlogago gape; ka fao phefо e tla e fokelago godimo, e tla tla morago gape; ka fao letšoba le lennyane le hwilego, le phetše gape. Gomme dilo tšeо tšohle tša go fapan, go ntirile ke tsebe gore go be go le maatla a tsogo felotsoko.

⁵² Bjale, mohlare o na le bophelo bjo bo tšwelago pele. Re na le Bophelo bjo bo sa hwego. Mohlare o tla tla bofelong bja wona bja mafelelo. Re ka se tsoge ra kgona; re na le Bophelo bja go se hwe.

⁵³ Bjale, ke thoma go ithuta ntšhu ge ke bala ye. Go reng ka ntšhu? Ke hwetša gore ntšhu ke nonyana ya go se tlwaelege kudu. E kgona go fofela godimodimo go feta nonyana e ka ba efe ye nngwe e lego gona. Ke nonyana ye e agilwego ka go ikgetha. O aga sehlaga sa gagwe ka maswilkeng, godimodimo. Ke nonyana ya learogi kudu. Gomme selo se sengwe, mafofa a gagwe a swineletše kudu o ka se kgone, le gatee, o ka se kgone go a tomola ka tang. Ke ye tona, nonyana ya ntotoma, ye nngwe ya tše kgolokgolo e lego gona. Gomme ke nonyana ya learogi

kudu. Eupša o agilwe ka go ikgetha gobane o na le mošomo wa go ikgetha go o dira.

⁵⁴ Lentšu *ntšhu* le ra “sekgeila ka melomo.” Gomme o fepa ka molomo. Selo se sebotse kudu sa Lentšu la Modimo, o fepa go tloga molomong go ya molomong, Modimo o fepa bana ba Gagwe.

⁵⁵ Gomme morago o aga sehlaga sa gagwe godimo, gomme o ne seo bakeng sa morero, le se sengwe le se sengwe. Bjale, ge... Ntšhu e bile le diphego tše kgolo tše maatla. Tšeо ke bakeng sa khunollo.

⁵⁶ Gomme selo se sengwe ntšhu e se dirago, seo se a makatša, e mpshafatša boswa bja yona. Ntšhu, ka morago ga nako ye telele bjalo, e no dikologa gomme e tla thwi morago go ntšhu ye mpsha gape, o itliša yenamong thwi morago. O mpshafatša boswa bja gagwe.

⁵⁷ Seo ke sekai se sengwe sa Kereke, sa batho ba Modimo. Re tla ya tlase gohle le mohuta wa go uta, nako yeo, gateetee, Moya wo Mokgethwa o a tla le go re mpshafatša gape. Modimo, a mpshafatša boitemogelo le boswa bja Kereke ya Gagwe, a ba fa boitemogelo bjo boswa. Seo ke sekai sa ntšhu.

⁵⁸ Mengwaga ye mengwe ya go feta, ke be ke fela ke dira go otlela go gontši, polasakgolo, gomme re be re le godimo ka Troublesome River ka Colorado. Ba Hereford Association ba fudiša mafulo ale a Arapaho kua, le go ya pele, le godimo go dikologa godimo ga dithaba. Gomme re be re fela re iša dikgomo godimo kua. Gomme ka gona, lehlabula la ngwaga, re be re swanetše go di tsoma gape, re di bee godimo ga Sethokgwaa sa Setšhaba. Ka gona re be re tla hlogiša bjang bja ren a tlase ka bottlase, go fepa, go kgabola marega.

⁵⁹ Gomme ke be ke eya ntle kua ngwaga wo mongwe le wo mongwe, go tsoma. Ke a dira, go le bjalo. Gomme mogwera wa ka, re be re tla ya morago, ka morago ga batho bohle go tšwa ditoropongkgolo ba ile tlase kua le go thunya go dikologa, ditshepetshadi, le mabotlana, le ditshadi tše nnyane, le dipoo tše kgale tše dikgama tše di lego tlase fase. Ka baka la eng, ka mehla re ya moragorago, godimo, fao o ka se kgonego go tsena ka gare, gomme wa kampa ntle morago kua. O tšeа bohlabela, foroko ya bohlabela goba bodikela, e tee, gomme ke tla tšeа ye nngwe. Re tla ba matšatši a mmalwa pele re kopana seng sa ren a.

⁶⁰ Gomme nka se tsoge ka lebala, ngwaga wo mongwe, ga se go be lehlwa, e be e le mmogo ka Oktobere ge sehl a se etla ka gare.

⁶¹ Gomme ge go ka ba lehlwa godimo ka dithabeng... Gobaneng, mohlomongwe, ka Oktobere, go tla tla mo-mo morago ga sekgalela se sebotse ka kgonthe, mohlomongwe ka go iri ye nngwe go tla ba lehlwa. Morago e tla no go le tloša, gomme morago letšatši le tla tšwelela, go no fetoga ga boso. Eupša ka gona, ge lehlwa le etla, le rakela kgama le tshepe, tše kgolo tšela

di dulago godimo, kgole go tloga go lešata la tlhabologo, le di rakela tlase ka meeding. Ke moo ka mehla o hwetšago sealā.

⁶² Ngwaga wo, lehlwa le be le se la be la tla, gomme ke be ke le godimodimo. Gomme ke be ke tlogetše pere ya ka dimaele tše mmalwa morago, le go mo tlema, gore a be le sekgoba se sentši; bjang tsoko, gore a kgone go ja. Gomme ke be ke ile kgolekgole go dikologa mothalo wa thimpa, godimo ka fale, ke lebeletše.

⁶³ Morago ga sekgalela seo go tlie ledimo le swiela go kgabaganya dithaba, le—le go rora ga modumo, gomme legadima le gadima. Gomme ke tlie ka morago ga mohlare. Gomme ke eme morago ka morago ga mohlare go fihla ledimo le fetile, le wetše fase ka go thimpa. Go be go le ya go ušetšwa tlase kua. Gomme ke be ke eme ka morago ga thimpa, ke letile go fihla ledimo le fetile; ke eme fale, ke nagana. Gomme ke bile le raborolo ya ka e dutše feela itshama ka mo—mo mohlare. Gomme morago ge le—le ledimo le fedile. . . . Ke be ke nagana ka Modimo, O be a makatša bjang.

⁶⁴ Gomme ge ledimo le be le eya pele, phefo ya go tonya e tsene ka gare, gomme e gatseditše bontši bja meetse godimo ga mohlakamotala, boka diaesana di lekeletše. Ka gona ge letšatši le tšwile, moragorago godimo, ka bodikela, ke kgonne go bona letšatši le no nyarela ka lenga la thaba, gomme le lebega boka leihlo la Modimo.

⁶⁵ Le a tseba, Modimo o mogohle. O ka no kgona go Mmona, e ka ba kae, ge o ka no Mo lebelela. O fao. O swanetše go Mmona. O tla ba mo. O mo thwi bjale. Ge o ka no lebelela go dikologa, o tla Mmona.

⁶⁶ Gomme ka gona ge ke be ke eme kua, ke lebeletše go letšatši lela—lela la go dikela. Gomme ke phagamišeditše diatla tša ka godimo, gomme ke rile, “O Jehofa Modimo yo mogolo, mahlo a Gago a kitimela pele le morago, go kgabola lefase.”

⁶⁷ Feela nako yeo ke kwele mokgebo go tšwa go kga—kga kgama ya poo. O ile a šwalalanywa go tloga mohlapeng, ka go ledimo, gomme o be a dira kgoeletšo yela ya kgonthe ye bogale ya go tswinya ka mokgwā wola. Ke kwele mohlape o mo araba, godimo fa ka lefelong le lengwe. Gomme godimogodimo ka thoko ga thaba, phiri ya kgale ye tshehla ya thoma go ngautša; molekani a araba, fase ka tlase. Ke lebeletše go dikologa, go kgabaganya moedi, go tšwa thabeng e tee, go kgabaganya molapo, go be go le molalatladi. Gabotse, feela mogohle ke lebeletšego, go be go le Modimo.

⁶⁸ Mme wa ka ke seripa sa Moindia. O tšwa go mafelopolokelo, gomme Moindia wa Cherokee. Gomme mmagwe o be a hwetša phenšene. Tshokologo ya ka ga se ya ke ya ntšha seo ka go nna. Go na le se sengwe ka dithokgwa le ka ntle tšeо ke di ratago.

⁶⁹ Ge ke kwele phiri yela ya kgale e ngautša, gomme molekani a e araba, megokgo e thoma go keleketla go theoga marama

a ka. Ke kwele kgama yela ya kgale ya poo e goelela godimo kua, bakeng sa mohlape wa gagwe. E arabile. Ke lebeletše molalatladi. Ke rile, “Ya. Modimo šole, gape.” Yena ke Alefa le Omega. Yena ke mebala, kgwerano, ka go molalatladi. Modimo o mogohle, ge le ka no Mo lebelela go dikologa.

⁷⁰ Ke ile ka thaba kudu! Ke ile ka no phagamišetša diatla tša ka godimo, gomme megokgo e kitima go theoga marama a ka. Ke kitimile go dikologa, le go dikologa le go dikologa mohlare wola. Ke be ke no ba le nako ye kgolo, gomme ga go motho ka go dimaele tše masometharo tša ka; ke no tabogela godimo le fase, le go goelela ka godimo ga segalontšu sa ka. Ka potego, ge go ka be go bile yo mongwe a mpogetšego, ba be ba tla nagana yo mongwe go tšwa lefelong la digafa o be a le ntle kua. Eupša ke be ke sa tshwenyege. Ke be ke na le nako ye botse. Ke be ke rapela Morena, Modimo wa ka. Ga se go dire phapano go nna se e ka ba mang gape a se naganne. Gomme ke be ke no ba le nako ye botse, feela go dikologa, le go dikologa le go dikologa mohlare wola. Gomme ke be ke tla ema, ka theetša phiri yela, le go theetša yela. Le go goelela gape, go dikologa, ke be ke tla ya gape go dikologa mohlare.

⁷¹ Gomme ke—ke tsikintše se sengwe. Gomme go be go le sehlorana se sennyane sa mophane. Ga ke tsebe ge eba le tseba se di lego fa ka Oklahoma, goba aowa. Feel a selo se sennyane nthatana sa lešata e ka ba botelele *bjola*. Ke lephodisa la jasebolou la dikgwa. O no... O dira lešata le lentši kudu, gomme ga go selo go yena. Gomme o tabogetše godimo ga kutu, gomme a thoma go re tšhara, tšhara, tšhara, feela thata ka fao a kgonnego. Gomme ke naganne, “Ga go bohlokwa bja gago go thantshelwa. Ke rapela Morena. Ga o rate seo? Šetša se.” Gomme go dikologa, le go dikologa, le go dikologa, le go dikologa gape, ke ile, feela thata ka fao ke bego ke kgona. Gomme ke rile, “A seo ga se makatše? Mohlodi wa Gago; Modimo wa ka!” Re ya gape, go dikologa, le go dikologa ka mokgwa woo.

⁷² Gomme ke etše hloko moisa yo monnyane a tamola hlogo ya gagwe ye nnyane ka mahlakoreng, gomme a lebelela fase ka kua go ya go wa. Go be go sa bonagale o ka re ke mo thantsheditše. Go na le se sengwe gape se mo dirago a thantshelwe. Go lokile, ka gopola, “O se ke wa nagana gore ke dira ka mokgwa wo o sego wa tlwaelega. Ka baka la gore, ga ke dire ka mokgwa wo o sego wa tlwaelega, go nnamong. Gomme ke a tseba O a ntšhegofatša, kafao le wena o ka no tšoena thwi ka gare le nna.”

⁷³ Gomme kafao ke diregile go lebelela. Gomme ledimo le be le gapeleditše ntšhu ye kgolo tlase. Gomme le mo gapeleditše tlase ka gare. O be a le tlase fase, go molaleng a eja. O be a sa kgone go hwetša a gagwe, a gagwe ka godimo, go fihla ka godimo ga ledimo, kafao le mo gapeleditše fase ka dithokgweng. Gomme o be a le fale, tlase ka fase ga dithokgwang tše—tše mo.

⁷⁴ Gomme seo ke se bego se dira sehlorana se sennyane go thantshelwa. Gomme o be a e šeditše sekgauswi ka kgonthe, ka mokgwa wola, a re tšhara, tšhara, tšhara, tšha, mo o ka rego o be a eya go tswikaganya ntšhu yela diripa. Gabotse, o be a se yo mogolo go lekanelo go tswikaganya selo diripana. Ka fao o be a eme godimo ga kutu yela, mosela wa gagwe wo monnyane o be o tatagane ka mokgwa *wola*, feela tšhara, tšhara, tšhara; tšhara, tšhara, tšhara. Ke naganne, “Gabotse, o se thantshelwe. Ga a ye go go gobatša.”

⁷⁵ Gomme ntšhu ye kgolo yela ya tabogela ntle godimo ga lekala, ka mokgwa *wola*. Gomme ka gopola, “O Modimo, ke Wena fao, ka go pitšo yela ya phiri. Ke Wena yoo, godimo fa, ka go pitšo ya lešoka. Ke Wena yola, mo go dikeleng ga letšatši. Ke Wena yola, ka go molalatladi. Gobaneng O beile ntšhu yela pele ga ka? Eng, ntšhu yela e dira eng kua? Ga ke kgone go Go bona ka go ntšhu yela.”

⁷⁶ Ke šeditše ntšhu yela. Ke rile... Ke mo lebeletše, mahlo a gagwe a magolo a go bonagala bosehla. O be a sa ele hloko sehlorana sela sa phaene, kudu bjalo. O be a ntšeditše. Ke be ke kgona go bona mahlo a magolo ale a ntšeditše. Gomme ke naganne, “Gabotse, ya, ke kgona go bona Modimo ka go ntšhu yela, gobane ga a boife. Go na le se sengwe ka yena, gore ga a boife.” Ke rile, “Ke tla leka, le go bona ge eba o a boifa.”

⁷⁷ Ke rile, “E re, moisa, o a tseba nka go thunya?” Ke rile, “Ye ke raborolo ya ka. Ke be nka kgona go go thunya.”

⁷⁸ O nno lebelela godimo go nna, ka mokgwa *wola*. Ke tšwetšepele go mo ela hloko a ekwa diphego tša gagwe. Ke rile, “Ke a bona bjale. Leo ke lebaka. Ga o boife, ka baka la gore Modimo o go file diphego tše pedi. Gomme o a tseba, botse le gabotse, o ka kgona go ba ka thimpeng yela fale pele ebile nka kgona go hwetsa raborolo yela ka seatleng sa ka.” Ke naganne, “Ge o kgona go tshepa diphego tša gago tša go fiwa ke Modimo, go tšwela ka ntle ga kotsi, ke bontši gakaakang Kereke e swanetšego, ka Moya wo o filwego ke Modimo, wa Moya wo Mokgethwa magareng ga rena, go tloga go dilo, go tšwela ka ntle ga yona, ka mokgwa wola.” Ke ile ka mmogela, ka fao a ilego a ikwela tšona diphego. Ge feelsa... .

⁷⁹ Yo mongwe o rile go nna nako ye nngwe, “Ngwanešu Branham, a ga o boife o tla dira phošo?” Aowa, mohlomphegi, e sego ge feelsa ke kgona go kwa Sengwe sela go ntikologa. Seo se lokile. Seo se lokile. Ge feelsa A le fale, ke Yena a e dirago.

⁸⁰ Gomme ke šeditše ntšhu bakeng sa botelele bja nako. Gomme o bone gore ke mo ratile kudu, ke be ke sa ye go mo gobatša. Gomme kafao o be a sa mpoife, eupša o ile a no šišimišwa ke tšhara yela, tšhara; tšhara, tšhara, tšhara, tšhara. Gomme o ile a lapa ka yona, kafao o nno dira motabogo wo motee wo mogolo bogolo, a pokapokiša diphego tša gagwe e ka ba gabedi. Gomme

ka gona ke bona gore ke ka baka la eng a arogane le nna ka go goelela. Ntšhu ye kgolo yela ga se ya ke ya pokapokiša diphego tša yona gape. O be a no bonala a tseba mokgwa wa go bea diphego tša gagwe. Gomme nako ye nngwe le ye nngwe ge phefo e be e etla ka gare, o be a sesela godimo godingwana. Gomme phefo e be e tla tla ka gare, o be a tla sesela godingwana. Gomme ke eme fale le go mmogela go fihla a no fetoga tshetlana ye nnyane ya nthatana. Gomme ke rile, “O Modimo, yeo ke yona.” O lapišitšwe ke tšhara, tšhara, tšhara.

⁸¹ Ga se yona, “Go kitima go tloga kerekeng go ya kerekeng. Go tšoena e tee *ye* le go tšoena e tee *yela*.” E no ba go tseba mokgwa wa go bea diphego tša gago ka maatleng a Moya wo Mokgethwa wa Gagwe. Ge A etla a sesela ka gare, e no sesa go ya pele, sesa go ya pele, pele le pele le pele. Eya ntile go tloga go tšhara ye, tšhara, “Matšatši a mehlolo a fetile. Ga go selo se sebjalo bjalo ka Moya wo Mokgethwa. Lena bohole le phošo, ka go *Ye*. Ga go selo se sebjalo bjalo ka phodišo Kgethwa.” E no sesa go ya pele, ka godimo ga yona. E no dumelela Moya wo Mokgethwa go sepelela ka gare, gomme e no sesa go ya pele. E no tšwelapele, godimodimo le godimo, thwi ka ntile ga bokgole bja go kwa. Nna!

⁸² Modimo o dirile ntšhu. Bjale, ge a be a se na le . . . Ge nong e be e lekile go latela ntšhu, e be e tla rathagana ka moyeng. Legokubu le leka go mo latela, mafafa a be a tla tomoga go tloga go yena. Ke nonyana ya go dirwa ka go ikgetha.

⁸³ Modimo o swantšha dintšhu tša Gagwe le baprofeta ba Gagwe. Moprefeta o sesela godimo ka go dikgao moo a ka kgonago go lebelela kgolekgole.

⁸⁴ Bjale, ge ntšhu e na le tše kgolo, diphego tše maatla di ka kgona go mo tšeela godimo kua. Gomme, mahlo a gagwe ga a bapele le diphego tša gagwe, o be a tla foufala ge a fihla godimo kua. Ke ka baka leo nong, e lekago gomme ya ba ntšhu, ge e fihla godimo kudu, e be e sa kgone go bona, go le bjalo, kafao go ka se mo dire botse go namelela godimo. Le a bona? Ke nonyana ya go dirwa ka go ikgetha.

⁸⁵ Gomme Mokriste ke motho wa go dirwa ka go ikgetha. Yeo ke nnete tlwa. Ga go tlhokego ya go ya kerekeng, ntile le ge o na le Sengwe se go botšago gore yohle e fao. Le a bona? Ke se sengwe sa go ikgetha seo Modimo a go direlago.

⁸⁶ Ntšhu yela e ka kgona go ya godimo kudu go fihla o sa kgone go mmona, gomme o kgona go bona eng kapa eng e sepelago mobung, selo se sennyane bonnyane; leihlo la gagwe ke le legolo kudu.

⁸⁷ Nako ye nngwe ya go feta, mengwaga ye meraro goba ye mene ya go feta, mosetsana wa ka yo monnyane le nna re be re sepelela godimo ka serapeng sa diphoofolo ka Cincinnati. Ke bile le bona godimo fale Mokibelo wo mongwe morago ga sekgalela, go ba bontšha dilo tša go fapania. Gomme Sarah yo monnyane

le nna re sepeletše tlase, o be a le mosetsana yo monnyane wa nthatana nako yeo, a ka no ba mengwaga ye meraro bogolo. Gomme re be re sepela go dikologa. Gomme go be go le ntšhu ye kgolo ka serobeng.

⁸⁸ Gomme ka mehla ke hloile go bona diphoofolo di hlahletšwe. Ga ke tsebe, ke no hloya go bona nonyana ya thaga . . . Bjale, ga ke lahlele, godimo ga diparote tša lena le dilo, eupša ga ke rate go bona e ka ba eng ka serobeng. Ke tseba ka fao go lego go hlahlelwa ka go bodumedi moo o se nago tokologo. Bjale, ke—ke—nyaka go . . . Ke rata go lokologa.

⁸⁹ Ka gona, go no swana le go fa nonyana ya gago ya thaga divitamine tšohle o ka kgonago, go dira mafofa a mabotse le diphego tše botse, gomme ka gona wa mmoloka ka serobeng. Ke botse bofe e mo dirago?

⁹⁰ Ke botse bofe e bo dirago go romela bareri kgole diseminaring le go ya pele, le go ba ruta, se sengwe le se sengwe ka mokgwa woo, gomme morago wa ba hlahlala, ka go re, “Matšatši a mehlolo a fetile. Ga go selo se sebjalo”? Ke botse bofe e bo dirago go ba ruta? Bo . . .

⁹¹ Ngwanešu, ke rata se sengwe se lokologile, moo o ka kgonago go fofa le go itšidulla wenamong, bodumedi bjo bo go dumelelago go lokologa.

⁹² Ke etše hloko ntšhu ye kgolo ye. Ba be ba sa tšo mo swara, ba mmea ka serobeng. Ke naganne yeo e bile ponagalo ya manyaminyami kudu nkilego ka e bona. Moisa yola yo mogolo bogolo, o be a robetše fale lebatong, ge ke emeleta, diphego tša gagwe tše kgolo bogolo di letše ntle. Mafofa ohle a be a hlohlorilwe go tloga hlogong ya gagwe, le go dikologa molala wa gagwe le godimo ga mafelelo a diphego tša gagwe. Ke mo lebeletše.

⁹³ O abutše go kgabaganya seroba. O lebeletše morago go kgabaganya seroba, ka mokgwa *wola*. Šo o a tla, gomme o thutše seroba sela ka hlogo ya gagwe le diphego, go no phaphasela. Mafofa a be a tla fofa. O be a tla wela morago. O be a tla tsoga gape. O ile morago ka tsela *ye*. O be a tla lebeleta godimo. Gomme o be a tla fofa feela ka maatala ka fao a bego a kgon, le go thula diphego tša gagwe le hlogo kgahlanong le sona, le go wela morago. O robetše fale, gomme mahlo a gagwe a magolo a lealeetše tikologong, a lebeletše godimo.

⁹⁴ “Oo,” ke naganne, “yeo ke ye nngwe ya diponagalo tša manyaminyami monna a ka kgonago go di lebeleta.” Ke nonyana ya legodimo. O tswetšwe go phaphasela magodimong. Gomme mo, ka boradia le didirišwa tša motho, o hlahletšwe. Ga a kgone . . . Ke nonyana ya legodimo. Ga a tsebe selo ka mobu, le gatee. O swanetše go phela legodimong. A robetše fale, a lebeletše godimo moo ka kgonthe a swanetše go ba, moo pelo ya gagwe

e hlologetšego go ba, eupša go ne mapheko magareng ga gagwe le ale.

⁹⁵ Ke naganne yeo e be e le ponagalo ya go nyamiša, go fihla nako ye nngwe ke bone motho, yo Modimo a mo hlotšego ka seswantšho sa Gagwe, e hlahletšwe ka go dikerekemaina le dilo tše di bego di sa dumele ka go phodišo Kgethwa, ba hlahletšwe ka mafelong moo ba bego ba ka se kgone go lokologa. Ba tswetšwe Legodimong. Moya morongwa ke Modimo o ka go bona, ka mokgwa wola, eupša go ba hlahlela gore ba se kgone go tšwela ntle. Go bona banna le basadi ba sepela mekgotheng, ba apere bohlaswa, ka disepotong, ba hlahletšwe. Moo, ba swanetše go ba ba go lokologa, barwa le barwedi ba Modimo. Gomme ba itiela mabjoko a bona ntle, go nyakile, kgahlanong le se sengwe, ba leka go lokologa.

⁹⁶ O Modimo, ge nkabe ke bile le maatla, nkabe ke... goba maatlataolo, nkabe ke rekile ntšhu yela ya kgale gomme yena a sepela, go mo lesa a lokologe moo a nyakago. Seo ke selo sa go šiiša, go mo hlahlela.

⁹⁷ Eupša go šiiša bjang, go tšeа barwa ba Modimo le go ba hlahlela ka lefelong moo ba... Ka kgonthе, moya wa bona o nyaka go tšwela ntle fale le go dira se sengwe. Ka gona yo mongwe o re, "Ga go selo se sebjalo bjalo ka phodišo Kgethwa. Ga go na le selo se sebjalo bjalo ka maatla a Moya wo Mokgethwa. Ga go na selo se sebjalo bjalo ka Wo." O ba bea ka serobeng. Ngwanešu, a nke ke go botše, go na le tokologo.

⁹⁸ Nako ye nngwe monna o swere legokubu la kgale gomme a le bofa, gobane o be a le tšhemong ya lehea. Gomme o... Gomme dinonyana tša thoma go fofela godimo, le go re, "Etla pele, Johnny Legokubu, a re ye Borwa. A re ye Borwa. Nako ya marega e a tla."

⁹⁹ O bile go šokiša kudu, o be a sa kgone le go sepela. Go bile le monna wa go loka a tlidego kgauswi, letšatši le lengwe, gomme o rile, "Legokubu lela la kgale la go šokiša!" Gomme a no kgaola go mo tlemolla.

¹⁰⁰ Gomme ge a dirile, magokubu a mangwe a tla godimo, a re, "Etla pele, Johnny Legokubu, a re ye Borwa."

¹⁰¹ Eupša o—o be a bofilwe nako ye telele kudu, go fihla, o be a no sepela go dikolga, o rile, "Nka se kgone go e dira. Nka se kgone go e dira." O be a sa tsebe o be a lokologile.

¹⁰² Yeo ke tsela ye motho a lego lehono. Ga o tsebe gore Jesu Kriste o go lokolotše, ngwanešu. A re tšweleng ka ntle ga yona. A re yeng felotsoko. Modimo o re lokolotše. Le se ke la hwa ka tlala. Modimo o na le ditšegofatšo tša pentecostal gohle go kgabola mafaufau, le—le methopo e sa kgongwago ya botho bja Gagwe. A re yeng go yona. "Mang kapa mang a ratago, a a tle. A a tle, a nwe go tšwa Meetseng a Bophelo, mahala."

¹⁰³ Ntšhu, e aga sehlaga sa yona godimo ka leswikeng. O bjalo ka—o bjalo ka Kereke. Kereke ya Jesu Kriste ke Kereke ye e dutšego godimo ga thaba, ye e fago Seetša. E godimo. E na le ditlhologelo tša godimo. E swanetše go ba le ditsitsinkelo tša godimo, ditetelo, a ke re. E swanetše go ba le ditetelo tša godimo, gobane re be re letetše Modimo go dira se sengwe.

¹⁰⁴ Ge o ka tla fa morago ga sekgaleta se, wa re, “Gabotse, ke tla rotoga. Ge nka tsena ka mothalong wa thapelo, go lokile. Gabotse, ge A ka mpotša gore ke gabotse, ge Morena a ka ntira ke tsebe.” Oo, o se ke wa ba le ditetelo boka tše. “Eupša ge A sa e dire, gona nka se hwetše selo.” Ditetelo tša gago ga se tše ntši.

¹⁰⁵ Etla kerekeng, morago ga sekgaleta se, ge o babja, o re, “Ke letetše go ya gae ke fodile. Ga ke ye go tloga go fihla e direga.” Ge o se ne Moya wo Mokgethwa, e re, “Ke tla dula fa gomme ka bolela ka lefelong le, goba ke tla hwetše Moya wo Mokgethwa. Ke tla fa magareng ga batho ba Moya wo Mokgethwa. Ke tla fa moo Moya o lego. Ke tla dula thwi fa go fihla ke O hwetše.”

¹⁰⁶ Eba go swana le ka fao Buddy Robinson wa kgale a bego a le ka gona, ge a fihla tlase ka tšhemong ya lehea. O rile, “Morena, ge O sa mphe Moya wo Mokgethwa, ge O etla morago lefaseng O tla hwetše mokgobo wa marapo a Buddy Robinson a robetše thwi mo.” Yeo ke tsela ya go e dira. Yeo ke tlwa.

Re e tsea ka go phatlalala kudu.

¹⁰⁷ Monna, nako ye nngwe, o be a leka go nyaka Modimo. Gomme nako ye nngwe le ye nngwe ge a be a re, “Ke pholosítšwe,” diabolo o re, “Aowa, ga se wa dira.” Letšatši le lengwe o ile a kokotela kota fase. O rile, “Sathane, go tloga mo go ya pele, ke tla šupa kota ye. Le ke lefelo moo ke kgotsofaditšego dinyakwa tša Modimo, thwi fa.”

¹⁰⁸ O kokotela kota ya gago fase, thwi ka thoko ga setulo sa gago, morago ga sekgaleta se, o re, “Sathane, thwi fa ke moo pelaelo ye nngwe le ye nngwe e yago go robala. Gomme ke ya go fofela kgole le Yena, morago ga sekgaleta se. Ke ya go amogela tlwa se A mpoditšego nka se dira.” Ge le ka e dumela.

¹⁰⁹ Ntšhu ye ya kgale, ge a lokela go aga sehlaga sa yona, o ya godimodimo ka maswikeng. Gomme o aga sehlaga sa gagwe godimo. Gobane o ne... O nyaka go šireletša mafotwana a gagwe.

¹¹⁰ Yeo ke tsela ye Modimo a dirago. O phagamišetša Kereke ya Gagwe ka lefelong, ge o ka no Mo dumelela, gomme O tla go bea ka lefelong fao o tlago go ba kgole go tloga go manong a lefase. Ka nnete, O tla dira.

¹¹¹ Ke phapano ye kae go tšwa go kgogo! Kgogo ke nonyana, le yona, eupša o aga sehlaga sa gagwe ntle ka serapeng felotsoko, fase mobung moo dikgano le dinoga, le se sengwe le se sengwe gape, se ka kgonago go hwetše bana ba gagwe. Ga a tsebe selo

ka tša legodimo. Efela, ke nonyana; mohlomongwe, ngwanešu wa kerekelina, eupša o—eupša o—o godimo ga mobu. Ga a tsebe selo ka tša magodimong, go fofela godimo, felotsoko godimodimo moo go lego bolou le bobotse.

¹¹² Mme ntšhu wa kgale, ge a dira sehlaga sa gagwe. Ka fao ke di bogetšego makga a mantši, di eya ntle le go tšeа diphata tše kgolo, le go di bea fase ka go wona maswika. Gomme di e gogela godimo fa ka molomo wa bona wo mogolo, le go e bofa fase, le go tšeа manti a merara le go di bofaganya go dikologa. Gomme bokagare bja sehlaga bo dirilwe ka manti, kudukudu, go tlema mohuta wo mogolo wa boka dikota, mmogo, tšeо a di rwalela godimo kua. Eupša o kgwaparetša sehlaga sela gore go se be le ledimo le ka kgonago go se phepheulela kgole.

¹¹³ Ke thabile, “Godimo ga leswika le Ke tla aga Kereke ya Ka, gomme dikgoro tša hele di ka se kgone go fenza kgahlanong le Yona.” Ke mohuta mang wa leswika? Kutollo ya semoya.

“Batho ba re Nna Morwa wa motho ke mang?”

“Ba bangwe ba re ‘Eliase’ ba bangwe ba re ‘Moshe.’”

“Eupša go reng ka lena?”

Petro o rile, “Wena o Kriste, Morwa wa Modimo.”

¹¹⁴ “O wa lehlogenonolo wena, Simone, morwa Jona. Nama le madi ga se tša utolla se go wena. Ga se wa tsoge wa ithuta se ka seminaring. Ga se wa ke wa ithuta se ka yo mongwe a go botša, eupša Tate wa Ka yo a lego Legodimong o utolotše se go wena. Godimo ga leswika le Ke tla aga Kereke ya Ka, gomme dikgoro tša hele di ka se kgone go fenza kgahlanong le Yona. Madimo a bophelo a ka se tsoge a E šikinya.” Ke ka baka leo A rilego O be a le Ntšhu. O agile sehlaga.

¹¹⁵ Ka gona mme ntšhu wa kgale, a lokišetša mafotwana a gagwe go tswalwa, o ya ntle gomme o hwetša se sengwe le se sengwe a kgonago, matlakala a boleta. O tšeа molomo wa gagwe wo mogolo le go a bea morago ka dikhoneng, le go lokiša dihlabi tšohle, go dikologa, gore di se ke tša hlaba mafotwana. O ya ntle le go ikhweletša kwana, goba e ka ba mmutla, goba se sengwe, o ja nama ya ona; morago go tšeа mo—mo moriri, boyo go tloga go ona, gomme o alela sehlaga. Oo, o se dira se sebotse ka kgonthe, bakeng sa mafotwana a gagwe a tloga.

¹¹⁶ Yeo ke tsela ye Jehofa Ntšhu a dirago, le yena. O no e lokiša yohle. Oo, nna! Ge lesea le leswa le tswalwa, gobaneng, ka Mmušong wa Modimo, o no . . . O nagana o kgonago go sepela, eupša ka mehla o thula godimo le fase, le go kitima go dikologa. Eupša o na le nako ye botse. O ka sehlageng, moo se nago le mafofa gohle, le a tseba. Go—go wa ga go gobatše. Gomme kafao yeo ke tsela ye mme Jehofa Ntšhu a dirago. O beakanya sehlaga sa Gagwe mabokoboko le bose, bakeng sa mafotwana a Gagwe ao a yago go tswalwa.

¹¹⁷ Ka morago ga lebakana, mae a a tla, mmogo go tla ntšhu ye nnyane. Gomme o ya tlase, yena le papa ntšhu, gomme ba fepa mafotwana a bona ohle, go fihla a eba bogolo bjo bobotse gabotse. Ka gona ge a fihla go bogolo bjo bo itšego . . .

¹¹⁸ Bjale, mme ntšhu o ya go ba le bonneta gore tšona dintšhu ga di ye go ba se sengwe sa go swana le dikgogo. Yeo ke nnete. Ga a nyake tšona di tlengwa ke lefase. Ke dintšhu, gomme o a tseba ke dintšhu.

¹¹⁹ Yeo ke tsela ye Jehofa Ntšhu a dirago. Yena ga a re nyake dikgogo, dikgogo tša ntlopolokelo. O re nyaka re eba dintšhu, godimo ka boloung, tlhago ya rena go ba godimo kua moo re lokologilego. “Yo Morwa a mo lokolotšego o lokologile ka nnete.” Fale, o di nyaka godimo fale. Kafao, matšatši a se makae . . .

¹²⁰ Ka fao ke di bogetšego, makga a mantši kudu! Matšatši a se makae pele ga ge nako ya go hlatha sehlaga e etla, mme ntšhu wa kgale o tla fihla godimo kua ka lehlakoreng la sehlaga sela. Ke robetše, matšatši a mantši, ka go phadimo ya letsatši, ke di šeditše, gomme ke no lla boka lesea. Le a bona, mme ntšhu ye kgolo yela, ke tše kgolo. Mme ntšhu ke ye kgolwane go feta tate ntšhu. Tše dingwe tša diphego tša tšona di atlalala dikgato tše lesomenne, go tloga ntlheng go ya ntlheng.

¹²¹ Gomme o tla fihla godimo fale. O tla gata ka boitshepo go dikologa, godimo ga sehlaga sela, ka mokgwa *wola*. Gomme o tla ya godimo go mafotwana a. O tla phurulla diphego tša gagwe tše kgolo tše tona le go goeletša. Gomme ge a dira, dinako tše dingwe dintšhu tše nnyane di tla kanama godimo ga mokokotlo wa tšona. O di nyaka di dira. Seo ke se a nyakago di se dira. Morago di tla emeleta. Gomme o tla goeletša. Gobaneng? O di hlahlha go segalontšu sa gagwe.

“Dinku tša Ka di tseba segalontšu sa Ka.”

¹²² O di nyaka di tsebe ke eng ge nako ya go goeletša e etla. Gomme o a goeletša. Oo, nna! “Ke nyaka le sware noute ye nngwe le ye nngwe ya segalontšu sa ka,” o re, “gobane go ne ditopeledi tše ntši. Ke nyaka le tsebe gore le dintšhu. Ke nyaka le tsebe segalontšu sa ntšhu.” Amene. Haleluya! “Ke nyaka le tsebe se segalo sa ntšhu se lego.”

¹²³ Ka gona o phatlalatša diphego tša gagwe tše kgolo, o re, “Lebelelang mo. Ke lokišetša go le fa go fofanoši ga lena ga mathomo. Eupša, sa pele, ke nyaka le lebelele ka fao ke lego yo mogolo.”

¹²⁴ Oo, go bose bjang! Mohlomongwe, nako ye nngwe, bolwetsi bo re kanamiša ka mokokotlo wa rena, mohlomongwe se sengwe gape, ge re ka kgona go lebelela godimo le go tše tšona diphego tše pedi tše kgolo tša Jehofa, Testamente ya Kgale le ye Mpsha, le go re, “O yo mogolo gakaakang! O yo mogolo gakaakang, Morena!”

¹²⁵ Oo, o rata go di bontšha. “Lebelelang fa ka fao ke tiilego.” O a goeletša, “Se ke segalontšu sa ka.”

¹²⁶ Gomme moreri a ka bolela bjang, gona, gore Ntšhu yela ga e goelele go swana ka letšatši le lengwe le le lengwe, nako le nako E goeeditše? Kgonthe. “O a swana maabane, lehono, le go ya go ile.”

¹²⁷ Testamente ya Kgale e rile, “Ke nna Jehofa. Ke butše Lewatle le Lehubedu. Ke tlišitše bana ba Bahebere go tšwa leubeng la mollo. Ke nna Yena yoo a tsošitšeego Morwa wa Modimo.” Haleluya! “Ke nna Yena yoo a rometšeego Moya wo Mokgethwa, ka Letšatši la Pentecost.” Go lebelela go kgabola diphego tša Gagwe tše kgolo, a ga le rate go bona Seo? A ga Se tsikinye pelo ya gago?

¹²⁸ Tšona dintšhu tše nnyane di re, “Oo, Mama, ka nnete re a Go tshepa. O yo maatla le yo mogolo.”

¹²⁹ Go ya ntle bošego bjo bongwe le go lebelela godimo go tshepedišo ya letšatši. Mo nako ye nngwe ya go feta, ke ile ka tšeelwa godimo go ya Mount Palomar. Gomme kua, ka galase, o ka kgona go bona mengwaga ye milione tše lekgolo le masomepedi ya sekgala sa seetša. E nagantšhiše, ke dimaele tše kae, ke tše kae. Seetša se sepela ka lebelo bjang? Gomme mengwaga ye milione tše lekgolo le masomepedi ya sebaka sa seetša, gomme ka godimo ga fao go be go sa le dikgwedi, le dinaledi, le mafase. “O yo mogolo gakaakang! O yo mogolo gakaakang!” Dintšhu tša Gagwe tše dinnyane di thoma go lebelela tikologong. “O yo mogolo gakaakang!”

¹³⁰ Letšoba šele. Le hwile. Le ile ka mobung, eupša šele le tla morago gape. “O yo mogolo gakaakang!”

¹³¹ Monna wa go šokiša wa kgale šo wa go fetšwa ke kankere yoo a lego moriti, gomme thapelo e dirilwe godimo ga gagwe. Selo sa go latela, le a mmona, monna yo mogolo yo motona wa sefahlego se sehubedu. “O yo mogolo gakaakang! O yo mogolo gakaakang!”

¹³² Go bona mokgekolo yo monnyane ntle mokgotheng ntle kua, a se a swanelo go lebelelwa ke dimpša. A nke maatla a Modimo a sware šedi ya gagwe nako ye nngwe, o tla goelela, “O yo mogolo gakaakang!” O tla beela thoko boima bjo bongwe le bjo bongwe le sebe se se mo nyamisago gabonolo. Selo sa pele le a tseba, ke motho wa go lebega bokgethwa. O ntle le thereke ya Ebangedi ka tlase ga letsogo la gagwe, o dira se sengwe.

¹³³ A nke segatamorokwana sela, tlase khoneng, monna yola wa ditšhila, a nke yena nako ye nngwe a lebelele godimo le go bona. “O yo mogolo gakaakang!” Mo šetšeng a tlogela go rekiša wisiki ya gagwe, a tlogela go nwa le go kgoga, disekerete tša gagwe le disikara, a tlogela go bolela maaka a gagwe, le go ya pele. Gomme ntle mokgotheng, ka Beibele ka seatleng sa gagwe, a paka go letago la Modimo, “O yo mogolo gakaakang!”

¹³⁴ A nke Modimo a atlalatše pele Testamente ye Mpsha yela le ya Kgale godimo ga gago, nako ye nngwe. Lebelela go kgabola matlakala a Yona gomme bone se E lego sona. O tla kwa Segalontšu se goeletša go tšwa Kua, se re, “Wa go swana maabane, lehono, le go ya go ile. Se Ke ba diretšego, Ke tla go direla. Gomme Ke a swana. Ke nna Jehofa. Ga Ke fetoge.” Ke ikwela bodumedi ka kgonthe thwi bjale. Oo, nna! Ke Le tseba gabotse bjang. Ke Therešo.

¹³⁵ Bjale, mme o ikemišeditše, tšona dintšhu tše nnyane ga di ye go ba kgogo. Eupša o ikemišeditše gore ga di be. A le tseba se a se dirago nako yeo? Ka morago ga ge a sepetše ka boitshepo godimo le tlase sehlageng, le go atlalatše tša gagwe... O re, “Lebelela fa, hani, ke nna yo mogolo gakaakang. Bona fa. O swanetše go ntshepa. Ke ya go go iša felotsoko moo o tla swanelago go ntshepa.”

¹³⁶ Ke tseba bjang gore Modimo ga se a romela batho tsoko ba go babja ka fa morago ga sekgalela se, tsela ya go swana? Go go bea lefelong moo ngaka... O re, “Ke nna Mokriste, Ngwanešu Branham.” Ke a e tseba. “Gomme ke na le Moya wo Mokgethwa, gomme ke nna yo, ke a tlaišega.”

¹³⁷ O tseba bjang gore Jehofa o no se leke go go dira o lebelele go kgabola diphego le go bona Yena ke yo mogolo gakaakang? “Ke nna yo mogolo gakaakang! Ke ya go go direla se sengwe, gore o tla swanela go Ntshepa.” Ke lena bao. “Gomme Ke nyaka le tsebe se le tshepetšego go sona, pele. Le bona diphego tša Ka tše kgolo?”

¹³⁸ Ka gona, ka morago ga matšatši a se makae, le tseba se mme yola a se dirago? Ge feela malao ale a dirilwe a boleta, tšona dintšhu tše nnyane tša kgale ga di nyake go a tlogela. Nnete. A le tseba se a se dirago? Ka gona o tsena thwi ka kua, gomme o tšeа molomo wa gagwe gomme a ripa tshetlana ye nngwe le ye nngwe ya boy a bjola go tšwa fao, le go e lahlela ka ntle ga sehlaga. O ikemišeditše gore ba ka se tlwaele lefase. Yeo ke nnete.

¹³⁹ Seo ke se Modimo a se dirago, nako ye nngwe. Oo, o nagana ka se sengwe le se sengwe se segolo le se sengwe le se sengwe sa boikgantšho, le se sengwe le se sengwe. Le se ke la lebelela seo. Ka baka la eng, le milione wa dimaele go tloga pentecost. Batho ba mapentecostal ba be ba sa lebelela dilo tše bonolo. Ba rekišitše se ba bilego le sona le go fa bahloki, gomme ba ile ntle le Kriste, a nnoši. Gomme, lehono, re swanetše go ba beng ba molokoloko wa diCadillac pele re eba ba semoya. Go diregile eng? Se sengwe sa phošo, felotsoko.

¹⁴⁰ Nna, a nke ke tše tsela le banyatšiwa ba se bakae ba Morena. Ke thomile ka gare le Jesu. Morena, ntše go kgabola, ka tlase ga seemo e ka ba sefe.

¹⁴¹ Batho ba boifa Tswalo ye mpsha. Seo ke se e lego bothata. Ba boifa go tswalwa gape.

¹⁴² Yo mongwe le yo mongwe o a tseba gore tswalo e ka ba efe, ga ke kgathale mo e lego, ke tlhakahlakano. Ge e le ka hokong ya kolobe, goba ge e le ka mokgobong wa mahlaka, goba ge e le ka kamoreng ya sepetlele ya go kgabišwa ka bopinki, tswalo ke tlhakahlakano. Gomme batho ga ba nyake go hlakahlakana.

¹⁴³ Eupša, ke a le botša, ga ke nyake go kopana le Modimo karolong ya ka. Ke nyaka go kopana le Tswalo ye mpsha go leemo la Modimo. Ga ke kgathale ge eba ke swanetše go lla, go tswinye, ke bolele ka maleme, e ka ba eng ke swanetšego go e dira. Ga ke kgathale ke baagišani ba bakae ba bolelago ka nna. A nke ke tswalwe gape.

¹⁴⁴ Ga ke kgathale ke mohuta ofe wa seemo o ka bago, ge eba ke swanetše go senya botsebalegi bjohle. Ga ke na le le ge e ka ba bofe, go le bjalo. Seo ke selo se tee ke bego ke se ka swanela go se tlogela. Ke be ke se ne maemo goba botsebalegi. Ke be ke no ba thuhu ya thaba, le go thoma, kafao ke be ke se na le selo. Eupša ga—ga—ga ke kgathale se e lego, ke komana go lahlegelwa ke e ka ba eng le go ba lešilo bakeng sa Mmušo wa Modimo. O nyaka go mpitša, “Mopshikologimokgethwa, goba ramemoya, goba diabolo, goba sebalamonagano.” Ga ke kgathale se ba se bolelago.

¹⁴⁵ Ke nyaka Jesu. Seo ke kgwekgwe ya rena. Go leemo le e lego lona, ga ke tshwenyege. Ke nyaka go kopana le Yena go leemo la Gagwe; e sego go, se ke naganago se lokile, goba se yo mongwe a se bolelago gabotse. Ke nyaka go se Modimo a rego se gabotse. Seo ke se. Ge A rile, “O a swana maabane, lehono, le go ya go ile,” ke nyaka go Mmona ka go leemo leo. Ge eba ke swanetše go rerela sehlopha sa dikota, le go ja magogo a soda, le go nwa meetse a lekala, ke sa ntše ke nyaka Ebangedi. Ke nyaka Kriste go leemo leo Kriste a tla tlago.

¹⁴⁶ O tsena ka kua gomme a fošetša boleta bjola bjohle ntle. Nako le nako tšona dintšhu tše nnyane ge di thoma go dula fase, di godimo ga dihlabi. Ke mohuta wa go hlaba. O . . .

¹⁴⁷ Seo ke se. A nke diabolo, ge feela ba le kgauswi le . . . “Oo, a o phološitšwe bošegong bja go feta?”

“Ee. Uh-huh. Ee. Ke dirile.”

“Yeo ke . . . Oo, ke thabetše seo kudu.”

¹⁴⁸ Eupša, o thoma go phela bophelo, thwi ba re, “Mopshikologimokgethwa! Semangmang! Oo, ke bona sehlopha se o nago naso.” Le a bona?

¹⁴⁹ O go dumelela go hlajba, gatee mo lebakaneng. Ga A nyake o tlwaelane le lefase le, o a bona. O nyaka o hwetše . . .

¹⁵⁰ Mme ga a nyake tšona dikgogo go . . . tšona dintšhu go tsoge tša ba dikgogo. O di nyaka di tšwe ka sehlageng sela. Ga go kgathale ge eba di ka leswikeng, goba moo di lego, o ne se se sengwe se sekaoanana bakeng sa tšona.

¹⁵¹ Modimo o na le se sengwe se sekaonana bakeng sa Kereke. O se no dula fase, “Ke nna Mopentecostal.”

¹⁵² Yo mongwe o boletše, nako ye nngwe, o rile, “Ngwanešu Branham . . .” Mokgalabje tlase ka Arkansas, o be a fodišitšwe. O be a sepela go dikologa letšatši le le latelago ka mahlotlo a gagwe. O be a rekiša diphensele mokgotheng, lebaka la mengwaga le mengwaga. A sepela go dikologa, leswao le legolo, “Ga ke sa a hloka gape, ge e sa le Jesu a etla go nna,” a eya go dikologa. Gomme bosegong bjoo, o be a eme godimo ka batheeletšing, gomme e ka ba ka mokgwa wo, ka Robinson Memorial Auditorium ka Little Rock. Gomme o rile, “Feela motsotso, Ngwanešu Branham,” (ge ke be ke rera). O rile, “Feela motsotso.” O rile, “O a tseba, ge o rera . . .” O be a le Monazarene. O rile, “O a tseba, o rera feela boka Monazarene. Gomme ka gona ke etše hloko bontši bja batho mo ke Pentecostal. Gomme bjale yo mongwe o a mpotša o Mobaptist. Ga ke e kwešiše.”

¹⁵³ “Oo,” ke rile, “seo se bonolo. Ke nna Mopentecostal Monazarene Mobaptist.” Seo e no ba sona tlwa. Ee, mohlomphegi. Oo, ngwanešu, tsona dikibo!

¹⁵⁴ Ke be ke fela ke dula fale, ge re gapela dikgomo godimo ka dithabeng, ka letolo la ka go putla lenaka la kgale la sala fale, ke šetša morui yola a šeditše dikgomo tšela di etla go kgabola. Sa rena e be e le Tripod. Grimes’, godimo kua, e be e le Diamond T-Bar. Bontši bja tsona diphohlana tša go fapania le dikibo tša go fapania di ile go kgabola. Morui ga se a ke a ela sekibo šedi ye ntši. O ile a hlokomela theke ya madi.

¹⁵⁵ Amene. Seo ke se Modimo a yago go se hlokomela. O šeditše theke ya Madi. Ga a kgathale sekibo se o nago naso godimo ga gago. Gobaneng? (Ga se gona se bego se ka kgona go ya ka go phulo yela eupša Hereford ya tswalophetelele.) Gomme ga go selo se ka tsenago ka dikgoro tša Legodimo eupša wa go tswalwa gape, ka Madi a Jesu Kriste. Ga ke kgathale se o se dirago, o hlalefile gakaakang, goba o moreri yo mokaone gakaakang, goba o moleloko wa kereke wa go loka gakaakang. Ntle le ge o tswetšwe ka Madi a Jesu Kriste, ka theke ya Madi godimo ga gago, o ka se tsoge wa ya ka gare. Seo e no ba sohle se lego go yona. “Ge Ke bona Madi, Ke tla le feta godimo.” Yeo ke phetho. O tla go dumelala ka gare ge theke ya Madi e nepile. Modimo o tla šetša Madi a Morwa wa Gagwe Mong godimo ga Kereke.

¹⁵⁶ Mme ntšu yo wa kgale, o hlokometše tsona dintšu tše nnyane, oo, nako ye nngwe le ye nngwe. Ga di kgone go dula fase. E no ba mogohle. E no ba meetlwa, meetlwa, meetlwa.

¹⁵⁷ Bjale, go na le se sengwe gape se swanetšego go dirwa ka Kereke yela ya Pentecostal ka sehlageng sela, gore ba se tlemelelwé ka sehlageng. Seo se lokile. Bjale, ga ke rage kgahlanong le mekgatlo. Bjale le se ke la hwetša seo ka monaganong wa lena. Eupša, ke leka go re, le se ke la no dumelala

leo go ba lefelo la go ema. Le kaone. Ke rata mekgatlo. Ke nna wa wo mongwe le wo mongwe wa yona. Le a bona? Kgonthe, ke a dira. Ee, mohlomphegi. Ke tswaletšwe ka go ona. Yo mongwe le yo mongwe o ka kerekeng; ke tswetšwe ka kua. Eupša le se ke la no ema go seo, le se ke la no ema go mokgatlo woo. Eyang thwi pele le Modimo, go fihla o—go fihla o tšwela ntle kua go go fofa o nnoši.

¹⁵⁸ Bjale, selo sa pele le a tseba, ge mme wa kgale a tšere sephetho o ya go fa bana ba gagwe boitemogelo bjo bonnyane. Bjale, ba tla tšoena kereke gomme se sengwe le se sengwe se gabotse, eupša go thoma go hlabo. Go na le se sengwe sa phošo. Morago mme wa kgale o tla godimo fale pele ga sehlaga, letšatši le lengwe. O lebelela bona baisa ba bannyane godimo, gomme go na le mafafa a mantši a go tomoga godimo ga bona. O a tseba ge a tšeela bona baisa ba bannyane godimo ka moyeng wola, ka ona mafafa a go tomoga, ba tla robega molala wa bona.

¹⁵⁹ Gomme ke a le botša, ge kereke ya Pentecostal e sa hwetše go hlwekišwa go gobotse, ba ya go robega molala wa bona, le bona. E nong go elelwa seo. Go mafafa a mantši a go tomoga. Seo ke se e lego taba.

¹⁶⁰ A le tseba se a se dirago? O ema godimo ga sehlaga, gomme o tše diphego tša gagwe tše kgolo gomme a thoma go di pokapokiša ka mokgwa *wola*. Oo, ga se wa tsoge wa ema ka morago ga sefofane pele, go fihla, o hwetše, mafafa a go tomoga a fofela tsela ye nngwe le ye nngwe ge phefo ye maatla yela e kitimago e thoma go swiela go kgabola ona mafafa a mathaka a mannyane.

¹⁶¹ Ke a le botša, kereke e hloka go šikinywa ga sehlaga lehono, ka Phefo ye maatla e kitimago, go ntšetša lefase lohole ka ntle ga kereke ya Pentecostal, moo ba ka kgonago go ba ba nnoši. Re hloka Ebangedi ye nngwe ya nako ya kgale, ya Moya wo Mokgethwa, ya go tswalwa ke Modimo, tsošeletšo ye e rometswego. Yeo ke nneta tlwa. Ga re hloke mopesidente yo moswa; re ne yo motee, sethakga. Ga re yo moswa, hloke bomeyara ba baswa ba toropokgolo, e ka ba eng. Yeo ga se... Yeo ke taba ya bona. Eupša se re se hlokago, bjalo ka badiredi, ke go rera Ebangedi le go tliša kereke morago go pentecost gape, go e tliša morago go boitemogelo bja ntšu gape. Seo ke se kereke e se hlokago. Seo ke, oo, feela... Ga le nyake go ba dikgogo. Le dintšhu. Le swanetše go tše Dijo tša ntšu.

¹⁶² Gomme o be a le mo, a dutše kua, a fothela mafafa ohle a mannyane ale a kgale ntle. Gobane, ge a sa dire, ba... Ge a se, ga ba ne mafafa a go lekanelo a šetšego go fofa. A ka se ba tše go fihla ona mafafa ohle a mannyane a kgale a lesea a budulelwka ka ntle ga bona.

¹⁶³ Morago o tla godimo kua, gomme o a goelela. O loketše go ba fa boitemogelo bjo bongwe nako yeo. O fošetša diphego

tša gagwe tše kgolo tše tona tša dikgato tše lesomenne ntle ka mokgwa wola. Dintšhu tše nnyane tšela di fihla godimo, di namela godimo. O bolela le tšona nako yeo, gobane di kwele segalontšu sa gagwe. Di tseba go mo tshepa, mokgwa wa go fofa. O re—o re, “Bjale, bana, ke ya go le tšeala go go fofa ga bonoši.” Yo mongwe le yo mongwe o ya godimo, le go tsea leoto la gagwe le lennyane, le go swareletša ka go lefego, o bea molomo wa gagwe wo monnyane kgahlanong le le lengwe la ona mafofa. Gobaneng, le ka se kgone go tomoga. Le tla swara dintšhu tše masometlhano, bakeng sa maatla a lefofa lela ka lefegong la gagwe. Gomme o swara go kgabaganya lefofa ka mokgwa *wola*, gomme mme wa kgale o phagamiša diphego tša gagwe ka mokgwa *wola*, o fofa go tloga leswikeng.

¹⁶⁴ Šo o a ya, o sesela godimo, godimo, godimo, godimo, go fihla a fihla godimodimo ka boloung, godimodimo. Bona baisa ba bannyane ga se ba ke ba ba kua pele. Oo, ba no ba le nako ya go makatša.

¹⁶⁵ Selo sa pele, le a tseba, le a tseba o dira eng? O retologa thwi godimo gomme a ba hlochlora, yo mongwe le yo mongwe, go tloga. Ke dintšhu. Di swanetše go tseba mokgwa wa go fofa. Yeo ke nneta tlwa. O a di hlochlora thwi, go ya go ikema ka noši. Gabotse, ba bangwe ba bona baisa ba bannyane... O a goeletša, “Go lokile, bana, le dintšhu. Fofang.”

¹⁶⁶ Ge feela o re, “Gabotse, ke nna wa kereke *ye*. Ke a go botša. Ga ke tsebe ka *Yeo*.” O ka se tsoge wa fofa. Uh-huh. Uh-huh. Go lokile. O hloka go hlochlora nako ye nngwe, godimo ka moyeng.

¹⁶⁷ Tšona dintšhu tše nnyane di thoma go fofa. O a goeletša, “Pokapokišang diphego tša lena, bana. E no tšwelapele o pokapokiša tumelo ya gago ye nnyane, godimo le fase. O godimo go lekanelia bjale gore o ka se bethe lefase.” Le a tseba ke eng? Nako yeo se a se dirago, o tšwela ntle go lehlakore le tee, go ba bogela. O sesa thwi go dikologa. Gomme šeba bona, feela—feel a tlwa boka tsošeletšo ya Pentecostal, feela fase, godimo, yo motee godimo ga yo motee, yo mongwe, go no pokapokiša, go tšohle di ka kgonago go di dira. Ga di tshwenyege. Di na le tshepo ya godimo ka go mmago tšona yo a lego ntle kua e ba bogetše.

¹⁶⁸ Kereke e swanetše go dira *bjang*? Ge ye tee ya tšona tše nnyane, dintšhu e etšwa ka tsepamong, o swiela thwi fase ka tšona diphego tše kgolo gomme a mo topela godimo, le go mo rwalela godimo ka go mogau gape. Bjale, yeo ga se thuto ya Baptist. Yeo ke Beibele. Kafao, e mo tliša thwi morago godimo. E mo hlochlora gape; a a thome ka boswa. Amene.

¹⁶⁹ Tšona dintšhu di na le tshepo ka go mmago tšona, tshepo ya godimo, gore mme yola o tla ba thuša le go ba rwala gape. O di rwala godimo ga diphego tša ntšhu, gomme o di tšeelle godimo kua gomme o di hlochlora gape. A a thome gape. Ge le...

¹⁷⁰ “Ge ke ewa goba ge ke šitwa, a nke ke tsoge gomme ke leke gape, O Morena.” Eya gape. Modimo o tla go phagamišetša thwi morago godimo, a go tšeela godimo kua le go go hlohlora gape. Leka go itsepamiša wenamong, gomme nno tšwelapele o eya. E no tšwelapele o pokapokiša go fihla o ithuta go fofa. Oo, nna! Kgogo ya kgale ya go šokiša ga e tsebe selo ka seo. Ga a tsebe selo ka seo, gobane ga se nke a ke a ba godimo fale; ga a gona wa bokhukhu ba gagwe godimo fale. Tšohle a di tsebago ke go tšoena kereke le go dula fase, le a bona, ka jarateng ya ntlopolokelo. Ga a tsebe bontši ka yona.

¹⁷¹ Nako ye nngwe monna o be a bea kgogotshadi, gomme o be a sa kgone go hwetša mae a go lekanelo. Kafao o hweditše sehлага sa ntšhu, gomme a namela godimo le go tšeа lee la ntšhu le go le bea ka tlase ga kgogotshadi. Gomme ge sehlopha sela sa matsuana se phaphašišwe, ntšhu yela e be e le moisa yo monnyane wa go lebega go segiša, go ka moka ga ona matsuana.

¹⁷² Yeo e no ba ka tsela ye E tlago, yo motee go tšwa go peakanyo ye nngwe le ye nngwe. È ka no ba ka tsela ye e diregago. Yeo ke therešo. Gomme o be a le fa, moisa yo monnyane wa go lebega go segiša.

¹⁷³ O be a sa kgone go kwešiša mokekeretšo wa kgogotshadi, kgogotshadi ya kgale ntle fale ka go—ka go mokgobo wa manyora ka jarateng, “Re ya go ba le selalelo sa leago bošegong bjo. Re ya go dira sohle se, ka mokgwa wola. Koro, koro, koro. Matšatši a mehlolo a fetile. Ga go selo se se bjalo bjalo ka phodišo Kgethwa. Koro, koro, koro, koro.” Ba ja dilo tšela tša ditšhila tša dipathī tša kgale tša panko, le dipapadi, le diaparo tša go hlobolwa thososo, le se sengwe le se sengwe boka seo, dithelebišene le mohuta wola wohle wa ditšiebadimo.

¹⁷⁴ Moisa yo monnyane yola e be e le ntšhu. Seo ga se sa dula le yena. Se mo dirile gore a hlatše, go se dupa. O be a tla, “Nna, nka se tsoge ka dira seo.” A sepela go dikologa, nna, o be a le mothaka yo monnyane wa go lebega go segiša.

¹⁷⁵ Ba rile, “Oo, etla pele, hani. Re ya go ba le phathi ye kgolo bogolo, bošegong bjo. Re ya go hlankela.”

¹⁷⁶ O be a sa nyake selo sa dilo tšeо. O sepetše go dikologa gomme a bona. “Eng? Ke nna lepidibidi la go lebega boarogi fa.”

¹⁷⁷ Gomme ke go botša selo se tee, ngwanešu, ge motho a tswalwa go ba ngwana wa Modimo, dithutotumelo tša kgale le dikerekemaina di ka se tsoge tša mo kgotsofatsa. Aowa, mohlomphegi. Dilo tša lefase, dipapadi tša basketepolo, le dipathī, le—le dipapadi tša panko, le mehuta yohle ye ya maithabišo ao dikereke tša sebjalebjale di a dirago lehono ka letšatšing la rena. Ga go makatše, ba a dumeliana, “Modimo o kae?” Ba nyamišitše Modimo go tloga go bona. Yeo ke nnete tlwa. Ee, mohlomphegi. Dikgogo di rata mohuta woo wa dilo, eupša dintšhu ga di dire. Tšeо ga se dijо tša ntšhu.

¹⁷⁸ Šo o sepetše, go dikologa fale. Gomme, nna, bohole ba... bohole ba bona ba lebeletše tikologong. Bohle ba be ba kitimetše godimo go lefelo *le*. Feela... O be a tla ngwapa tše dingwe tša dilo tša go lebega ditšilatšila kudu, gomme di be di tla kitimela godimo le go di ja. Uh! “Oo, etla pele, etla pele, re tšoene.”

¹⁷⁹ Eupša ke motho yo a aroganego. Ee, mohlomphegi. O be a sa nyake le setee sa dilo tše. Di be di sa lebelelege gabotse go yena. Di be di sa nkge gabotse. Di be di se ne mohuta wa nnete wa boemo tikologong kua. O be a sa rate seo, le gatee. O rile, “Aowa, aowa.”

¹⁸⁰ Gomme letšatši le lengwe, mme ntšhu wa kgale o tlie a mo tsoma. (Ke thabile kudu gore O tlie bakeng sa ka.) O fofetše godimo ga jarata ya ntlopolokelo, a lebelela tlase fale, gomme o bone yo monnyane wa gagwe. Gomme a goelela. A re, “Hani, ga se wena letsuana. Ke wena wa ka.” Ge a kwele segalontšu sela, o ile a lebelela godimo. Seo se be se kwagala gabotse. Tlhago ya gagwe e be e le ntšhu. Tlhago ya gagwe.

“Jesu Kriste wa go swana maabane, lehono, le go ya go ile.”

“Amene,” o goeleditše morago.

¹⁸¹ “Se rateng lefase goba dilo tša lefase; ge le dira, lerato la Modimo ga le ka go lena.”

“Amene,” o boletše. “Seo se kwagala gabotse.”

¹⁸² “Ge ke etla morago godimo, hani, o ka kgona go taboga. Selo se nnoši o swanetše go se dira ke go pokapokiša diphego tša gago tše nnyane tša tumelo. E tla go rwala.”

“Ke ya go tšwela bjang ka ntle ga yona, mama?”

¹⁸³ “E no pokapokiša diphego tša gago. Yeo ke phetho. O tla tla thwi pele ntle. E no tšea tumelo ya gago gomme o gatele thwi ntle godimo ga yona. Eya go phaphasela, ka gore o ntšhu, sa mathomo. Nnete. O ntšhu, sa mathomo. Pokapokiša diphego tša gago.” O be a sesa go dikologa, godimo. “O lebega bjalo ka yo mongwe wa ka tlase kua, moo o lego.”

¹⁸⁴ Gomme moisa yo monnyane o tabogile ka maoto a gagwe, a pampa godimo le fase, makga a mane goba a mahlano, le a tseba, go swana le ge a phaphatha diatla tša gagwe tše nnyane, goba diphego, mmogo, ka mokgwa woo. Gomme selo sa pele le a tseba, o tlösítše maoto a gagwe go tloga mobung.

¹⁸⁵ Eupša le a tseba o dirile eng? Ntšhu ye nnyane ye, e dutše thwi fase godimo ga kota ka go jarata ya ntlopolokelo, thwi ka bogareng bja kerekeleina ye kgolo ya Pentecostal. Le a tseba ke eng? Mme ntšhu o fofile go dikologa gape. O ile a mo lebelela, a apere dileka, moriri wa go kotwa, sefahlego sa go pentwa. O rile, “Hani, o bogega bontši boka legokubu la pentecostal go feta ka mo o dirago ntšhu ya pentecostal. O tla swanela go itlhapiša wenamong bontši gannyane go feta fao, goba ebile nka se kgone go go hwetša.” Nnete.

¹⁸⁶ Ga ke re go gobatša maikutlo a gago, eupša ke nyaka go kota se sengwe go tloga go wena. A nke ke go botše, ngwanešu. Gobaneng, kereke ya Pentecostal e hloka tlhwekišo, go tloga phuluphithing go ya go panka, yeo ke nnete tlwa, go neela maima. Ga go makatše ga re kgone go ba le tsošeletšo, re ja dilo tša lenong, go dula gae bošego go bogela thelebišene tsoko ya mmamoratwa sebakeng sa go ya go tirelo ya gago ya kopano ya thapelo. Go apara tše tša kgale . . . Basadi ba apara diaparo tše, gomme banna ba tsea se sennyane, seno sa leago, le go bolela metlae ya ditšhila le dilo magareng ga bona seng. O ra go reng, banna? Modimo a ka se kgone go tsoge a obeletša fase ka go tlhagaraga ya dilo boka tše.

¹⁸⁷ O ka no ba le dikereke tše kgolokgolo tše di lego ka nageng. O ka no ba le tšhelete ye ntši go feta ka fao o kilego wa ba le yona. Seo ga se ne selo se tee go dira le yona. O ka no amana le le o le bitšago lešaba le lekaonana la bohlale. O ka no apara sutu ye kaonana ya diaparo, eupša, ngwanešu, Modimo o nyaka pelo ya go hlweka le diatla tša go hlweka. O nyaka kereke ya go hlwekišwa, gona A ka kgona go iponagatša Yenamong.

¹⁸⁸ Ge Modimo a atlalatša pele diphego tša Gagwe tše kgolo le go laetša maatla a Gagwe, gore O a swana maabane, lehono, le go ya go ile, ntšhu e re, “Ee, Morena. Seo ke se ke se nyakago. Ke a se lwela. Ke tla go sona.” Nnete. O a swana maabane, lehono, le go ya go ile.

¹⁸⁹ Nna, nako ya rena e ile kae? Ke—ke no ikwela boka go rera bjale. Ke no . . . Eupša—eupša re . . . Kae?

¹⁹⁰ Oo! Se kereke ya Pentecostal e se hlokago ke go hlwekišwa. E hloka go hlatswiwa. E hloka go gohlwa, tlhwekišo. Batho, ga se lena ba lefase. Ga o itshwantšhe wenamong bjalo ka batho ba bangwe. O se ke wa leka go itshwantšha bjalo ka naletšana ya mobi. O morwedi wa Modimo. O morwa wa Modimo. O se ke wa leka go ba Matt Dillion goba yo mongwe. O se ke wa leka go ba Peabody Ernie, goba eng kapa eng leina la gagwe le lego sona, goba ba bangwe ba banna bao. Ga o . . . [Ga go selo go theipi—Mor.] “Le se rate dilo tša lefase. Ge o rata lefase, goba dilo tša lefase, lerato la Modimo ebile ga le gona ka go wena.” Ke a tseba, ngwanešu, seo se a selliša. Seo se go dira o sellege.

¹⁹¹ Mma wa ka yo monnyane wa borwa o be a fela a mpotša seo. Rena bohole digotlane tše nnyane re tla tla ka Mokibelo bošego, le pafo ye kgolo ya kgale ya mosetara, gomme o be a tšhela meetse ka go yona, le—le go hlapiša yo monnyane. Gomme ke be ke le wa mafelolo wa ba lesome. Gomme ke be ke hlapa mafelelong ka sekotlelong sa go swana sa meetse, go no a huthumetša gannyane nthatana. Gomme morago mama o be a tla tsea . . . Re bile badiidi kudu, re . . .

¹⁹² O be a tla tsea matlalo a kgale a nama gomme a a tološa, go ntšha kri—kri krisi go tšwa go ona. Re be re ka se kgone go reka

makhura, gomme kafao o be a tla ntšha krisi go tšwa go ona, go bea borotho bja lehea ka gare. Gomme re be re na le dinawa tša mahlomaso, metlang ya peterute, le borotho bja lehea. Gomme—gomme re ne bja rena . . .

¹⁹³ Re bile le dialetši le dilo, gomme mama, Mokibelo wo mongwe le wo mongwe bošego, o tla re fa kelo ya kastroli. Ga—ga ke kgone le go no kgotlelela selo le bjale, go se dupa. Gomme ke be ke tla tla go yena, ke swere nko ya ka. Ke be ke tla re, “Mama, o se ke, o se ke, o se ke. Ke no se kgone go e kgotlelela.”

¹⁹⁴ O mpha lentšu le lebotse. O rile, “Morwa, ge e sa go dire o sellege, ga e go dire bokaone.”

¹⁹⁵ Yeo ke tsela ka therò, Lentšu le. Ge Le sa go dire o sellege, thwi gabotse, kafao le tla dira mala a gago a semoya go ya go šoma, le ka se go dire botse bjo bo itšego. Yeo ke nnete. Lentšu le a go lokolla, gomme go lokologo ka nnete, le ripa go tlemolla ditlemo. A le a e dumela?

¹⁹⁶ Kereke e hloka tsošeletšo ya Moya wo Mokgethwa. E hloka go hlwekišwa ga ntlo. Tše ke dintšhu. O se ke wa di fepa ka dijо tša kgogo. Ke dintšhu. Di ntšetše ntle kua fao di swanetšego go fofa goba go hwa. Yeo ke phetho. Gomme Modimo o tla šetsa godimo ga bohwa bja Gagwe. Ga A tsoge a ba kgole kudu. Ka mehla O kgauswi, go go kukela godimo. A le dumela seo?

A re inamišeng dihlogo tša rena gona bakeng sa lentšu la thapelo.

¹⁹⁷ Ke ba bakae ba ka ratago go gopolwa bjale? Le go re, “Morena, nkgaoege. Mphe dikgopolo tša ntšhu. Mphe ditlhologelo tša ntšhu. Mphe bophelo bja ntšhu. A nke ke fofele ka boloung bja Gago mošola, Morena, moo dilo tšohle di kgonegago go bona bao ba dumelago. Dira tumelo ka go nna. A nke diphego tša ka di gole. A nke digoba tša ka, go dikologa diphego tša ka, di gole go fihla ka kgonthe ke kgona go bona Jesu.” Oo, Modimo a le šegofatše.

¹⁹⁸ Tate wa Legodimong, oo, mo—mo Molaetša o ka no ba o be o kwagetše go swaswalatša, Morena, eupša o be o se wa beelwa ka tsela yeo. E be e no ba ka go ye nnyane, tsela e nnoši ke swanetšego go dira batho ba tsebe, Morena, eng, gore ke a dumela, gore O leka go fihla go bona, go šišinya kereke. Bohwa bjo bogolo bjo bja Gago, kereke ye kgolo ye ya Pentecostal, kereke ye kgolo, bjalo ka ge e le; O šišintše mehuta yohle ya dimpho go ba dikologa, mehuta yohle ya maswao le matete, gomme ba dula morago, bjalo ka dikgogo, dinako tše dingwe. O Modimo, ba dire gore ba bone ke bona dintšhu. Ba ka kgona go fofa, ba no tšeа tumelo ya bona gomme ba fofa go tloga go yona, go tloga go polelo ye ya kgale, “E ka se kgone go direga. Ga go selo go yona.” O Modimo, ke a rapela gore O tla šegofatše yo mongwe le yo mongwe fa morago ga sekgalela se, gomme a nke yo mongwe le yo mongwe wa bona a eme kgauswi ka tlase

ga diphego tša Jehofa. E fe, Tate. Ke ba neela go Wena, Leineng la Jesu, Morwa wa Gago. Amene.

¹⁹⁹ Go tšwa go Morena Modimo, se A se dirago. Bjale re ya go ba le mothalo wa thapelo, gore re kgone go tšwa ka mo. Ke nyaka le ye kerekeng, bošegong bjo. Modimo a le šegofatše. Le rata Morena? Amene.

²⁰⁰ A re nong go opela nako ye nngwe gape, gore ke kgone go e kwa ka Tulsa, sehlopha se segolo se setona se.

Ke a Mo rata, ke a Mo rata
 Gobane O nthatile pele
 Lefetše phološo ya ka
 Godimo ga Khalibari.

²⁰¹ Go lokile.

Ke . . .

A re e direng e kwagale bjale, go Yena. Molaetša o fedile. A re nong go Mo rapela.

. . . Ke a Mo rata
 Gobane O nthatile pele
 Gomme a lefela phološo ya ka
 Godimo ga wa Khalibari . . .

²⁰² Bjale a re nong go inamiša dihlogo tša rena, le go phagamiša diatla tša rena, ge lešaba le sa homola bjale.

Ke a Mo rata, ke a Mo rata
 Batamela kgauswi, Morena.
 Gobane O nthatile pele
 Gomme a lefela phološo ya ka
 Godimo ga mohlare wa Khalibari.

²⁰³ E be e le eng seo, lekgolo goba masometlhano? Masometlhano? Lena ba le nago karata ya thapelo nomoro tee, phagamišetša seatla sa gago godimo. Emelela ka maoto a gago ge o ka kgonia. Karata ya thapelo nomoro tee, H. H, nomoro tee, phagamišetša seatla sa gago godimo. Karata ya thapelo nomoro tee, phagamela godimo. A ke wena mo—a ke wena motho, mohumagadi? H, nomoro tee, etla thwi godimo mo. H, nomoro pedi?

²⁰⁴ [Ga go selo go theipi—Mor.] “. . . dinku tše di lahlegilego tša Israele.” A yeo ke nnete?

²⁰⁵ Bjale, ke merafe ye mekae ya batho ba lego kua lefaseng? Merafe ye meraro: batho ba Hama, Seme, le batho ba Jafete. Bjale, yoo e be e le Mojuda, Montle, le Mosamaria, e lego seripa sa Mojuda le Montle. A le etše hloko?

²⁰⁶ Ke ba bakae ba tsebago gore Jesu o file Petro dikgonyo ka Pentecost, pele? Yeo ke nnete. O butše, dikgonyo go ya Mmušong, ka Jerusalema, go Bajuda. A yeo ke nnete?

²⁰⁷ Filipi o ile tlase le go ba kolobetša, tlase ka Samaria. Gobane efela Moya wo Mokgethwa o be o se wa tla godimo ga bona, gobane, Petro o be a swere dikgonyo; o tlide fase gomme a bea diatla tša gagwe godimo ga bona, gomme ba amogetše Moya wo Mokgethwa, Basamaria. A ke nnete?

²⁰⁸ Godimo ka ntlong ya Koronelio, ke mang a biditšwego godimo kua? Petro.

²⁰⁹ Ge e sa le go tloga nako yeo, ga se gona gape se boletšwego ka yona. Ya. Meloko yohle e bile . . . Merafe yohle e bile le Ebangedi e bulegile: Batho ba Hama, Seme, le batho ba Jafete.

²¹⁰ Bjale, ge le ka ela hloko, ke nyaka le hlokomele. Bjale, go be go le magoro a mabedi a batho, a mabedi a merafe, ba lebeletše Mesia. E be e le mang? Gomme e be e le mang? E be e le Mojuda le Mosamaria. Eupša, Bantle, rena, re be re le Maanglo-Saxon. Re bile le tlalapo mokokotlong wa rena, re rapela modingwana wa go betlwa. Re be re se ra letela Mesia.

²¹¹ Bjale, ke no ba ke swere šedi ya lena, ge nka kgona, go fihla mo—mo mothalo wa thapelo o eba komana, gore bohle ba kgone go lokela go tla ka mothalong wa bona.

²¹² Bjale, re be re se ra lebelela Mesia, kafao ga se ra amogela e ka ba ofe. Kafao gona, eupša, bjale, go bale bao ba bego ba Mo lebeletše, O bonagetše go bona. Bjale, ke ba bakae ba dumelago seo?

²¹³ Gabotse, bjale—bjale, ka morago ga ge ba ganne Mesia wa bona, gona, elelwang, O ile go Bajuda. Ke mohuta mang wa leswao A le laeditšego? O tsebile sephiri sa pelo ya bona. Bjale kereke ya Orthodox e boletše eng ka Yena? “Ke Beletsebubu, mmolelelamahlatse.”

²¹⁴ Jesu o rile, “Ke le lebalela bakeng sa seo. Eupša letšatši le lengwe Moya wo Mokgethwa o tla tla go dira selo sa go swana, gomme, go bolela kgahlanong le Ona, go ka se tsoge go lebaletše ka lefaseng le, le ka lefaseng le le tlago.” A yeo ke nnete?

²¹⁵ Bjale šetšang, O dirile leswao lela pele ga Bajuda; O le dirile go Basamaria; eupša e sego go Bantle. O ka se hwetše taba e tee ya yona. Aowa, mohlomphegi. Eupša pele A tloga . . . Bjale, O rile go mosadi . . . Bjale šetšang mosadi yo, mmalegogwana yola, re a mmitša.

²¹⁶ O tsebile bontši ka ga Modimo go feta seripa sa bareri ka United States. Yeo ke nnete. Ke ba bohlale kudu. Ga—ga ba ne sekgora bakeng sa boitemogelo bja kagodimogatlhago. Ba bantši ba bona ke Bakriste ba bakaone, banešu ba kagodimogatlhago, eupša ba bangwe ba bona ba sa le kgogo.

²¹⁷ Ka gona, o tlide go dikologa. Gomme mosadi yo monnyane yola . . . O ile ntle, o rometše barutiwa ba Gagwe kgole, a dula fase mo. Gobane, batho ba Basamaria ba be ba lebeletše . . . Ke ba bakae ba tsebago Basamaria ba be ba lebeletše yo, Mesia? A le

dumela seo? Gabotse, a nke ke le tsopoleleng, Mokgethwa Johane 4, bjale. “Mosadi o tlie ntle sedibeng, mosadi wa Samaria. O rile . . .”

²¹⁸ Bjale, ge ke sa le go yona, go tloga ka masomenne go ya go masometlhano, ka go H. Masomenne go ya go masometlhano, tsea lefelo la gago. Go lokile. H, masomenne go fihla go masometlhano, tseo tšohle ke dikarata tša thapelo, di tsea lefelo la tšona.

²¹⁹ Bjale elang hloko, ge A ile ntle sedibeng letšatši lela le go dula fase, gomme barutiwa ba ile ka toropong go reka dijo tše dingwe. Ge ba sa ile, mosadi wa go bogega go ratega o tla a sepelela ntle, ka pitša hlogong ya gagwe. Gomme a theošetša sego tlase, go ga meetse. Gomme a kwa yo Mongwe a re, “Ntlišetše seno.” Ka gona o lebeletše godimo, o bone Mojuda.

²²⁰ O be a se eupša masometharo, eupša Lengwalo le rile O bonagetše masometlhano. Ke ba bakae ba tsebago seo? “O Monna yo a sego ka godimo ga bogolo bja mengwaga ye masometlhano, gomme o bolela gore O bone Abraham?”

O rile, “Pele Abraham a bile, KE NNA.” Yeo ke nnete.

Kafao ba rile, “Wena ga o ka godimo ga bogolo bja mengwaga ye masometlhano.”

²²¹ Gomme o be a le fale, a dutše fale sedibeng. Go be go le Jesu, a dutše ka ponagalong selo se sengwe sa go swana le se. Gomme O rile, “Ntlišetše seno.” Ba be ba na le kgethologanyo nako yeo, go swana le ge ba be ba le tlase Borwa, makhalate le ba bašweu. O rile . . .

²²² “Ga se setlwaedi go Wena, go beng Mojuda, go nkgopela, mosadi, Mosamaria,” o boletše.

²²³ O rile, “Mosadi . . .” Theetšang bjale, se ke le botšago. Le tla se foša. “Mosadi, ge o ka be o tsebile Yo o bego o bolela le yena, ge o ka be o tsebile, o be o tla Nkgopela seno. Gomme Ke be ke tla go fa meetse ao o sa tlego fa go a ga.”

O rile, “Sediba se a sobeletša. Ga O ne selo go ga ka sona.”

²²⁴ Gomme morago poledišano e ile pele. O be A dira eng? A kgokagana le moywa gagwe. Seo ke selo sa go swana ke se dirago gonabjale go lena, go leka go swara šedi ya lena.

O rile, “Ntlišetše seno.”

²²⁵ Poledišano e ile pele go fihla A hweditše se bothata bja gagwe e bilego. Ke ba bakae ba tsebago se bo bego bo le sona? O be a phela bootsweng. Kafao O rile, “Mosadi, sepela o tše monnamogatša wa gago gomme le tle fa.”

O rile, “Ga ke ne le ge e ka ba monnamogatša.”

²²⁶ O rile, “Yeo ke nnete. O bile le ba bahlano, gomme yo o dulago le yena ga se monnamogatša wa gago.”

²²⁷ Bjale, a mosadi yola o . . . ka tlase ga seemo sa gagwe, go beng bjalo ka ge re nagana. Yena, mmalegogwana, mosadi wa tumo ye mpe, theetšang se a bego a se tseba ka Lengwalo. Ga se nke a Mmitša boka bareri ba dirile, “Beletsebubu, mmolelelamahlatse, diabolo.”

²²⁸ Gomme mang kapa mang o a tseba gore go bolelelamahlatse ke ga diabolo. Kafao mmolelelamahlatse ke eng? Ke thuto ye e fapošitšwego.

²²⁹ Diabolo ga a kgone go hlola selo. Yena ke, ge a le mohlodi, a ka be a kgonne go itirela lefase. Eupša o kgona go fapoša se Modimo a se hlotšego. A le hwetša seo? Fa, fa, e kwagala serokaphatla, ka go batheeletši ba go hlakana. Monna a ka kgona go nyala mosadimogatša gomme a phela le yena bjalo ka mosadimogatša, gomme malao ga a tšhilafatšwa. Tiro ya go swana le mosadi yo mongwe, o ile, le a bona, ke go fapoša selo se se lokilego. Le kwešiša se ke se rago? Sathane o a fapoša.

²³⁰ Mmolelelamahlatse ke mmoni wa go fapošwa wa Modimo, o fapošeditšwe ka dikgaong tša diabolo.

²³¹ Gomme ka gona, elang hloko, ga se a ke a Mmitša seo. O rile, “Mohlomphegi, ke a bona gore Wena o Moprefeta.” Ke ba bakae ba tsebago o boletše seo? Ka moka go fapano kudu go tloga go se bona bareri ba se boletšego. O rile, “Ke a bona—bona gore O Moprefeta.”

²³² Bjale šetšang. Theetšang. “Re a tseba. Rena Basamaria, re a rutwa. Re a tseba, ge Mesia a etla, O tla dira dilo tše.” A leo e be e le leswao la Mesia? A e be e le lona? “Re a tseba, gore ge Mesia a etla, O tla dira dilo tše. Eupša Wena o Mang?”

Jesu o rile, “Ke nna Yena yo a bolelagó le wena.”

²³³ O kitimetše ka toropongkgolo, gomme a botša banna, “Etlang, bonang Monna Yo a mpoditšego dilo tše ke di dirilego. A yo ga se yena Mesia?”

²³⁴ Eupša ga se nke A e dira go Bantle. Eupša a O tshepišitše go Bantle? Gobaneng, re ne mengwaga ye dikete tše pedi ya go katišwa, go no swana le Bajuda le Basamaria ba bile, ya go katišwa, go nyaka Mesia.

²³⁵ Bjale, Jesu o rile, “Bjalo ka ge go bile bjalo ka matšatšing a Loto, ka Sodoma, go tla ba bjalo ka go Tleng ga Morwa wa motho.”

²³⁶ Bjale šetšang. Ka matšatšing a Sodoma, ba bile le tsošeletšo le dihlalefi, le Loto. Billy Graham wa sebjalebjale o ile tlase fale gomme o rerile Ebangedi, o ba foufaditše. Eupša šetšang se . . .

²³⁷ Abraham o be a le Kereke, ye e kgethilwego, pentecostal, e bileditšwego ntle, e arogantšwego go tloga go dilo tša lefase.

²³⁸ Bjale, go na le mopentecostal ka kerekeng ya Methodist. Go na le mapentecostal ka kerekeng ya Baptist. Mapentecostal ga

se kerekeleina. Ke boitemogelo bjoo e ka ba mang a ka bago le bjona, yoo a bo nyakago. Pentecostal ya kerekeleina ga e na le kgetho go e ka ba efe ya Tšhegofatšo ya pentecostal, ge Katoliki e ka kgona go ba le yona. O mopentecostal gobane o ne Tšhegofatšo ya pentecostal ka pelong ya gago.

²³⁹ Kafao, Abraham o be a le mmiletšwantle, gomme Morongwa yo o be a dutše godimo fale le Abraham. Gomme ka morago ga ge Morongwa a tlogile... O Mmiditše, "Morena." Elohim. Ke ba bakae ba tsebago gore Elohim e be e le Jehofa Modimo yo mogolo? Nnete. Morena Modimo, gomme O dutše ka mokokotlo wa Gagwe o furaletše tente. Šetšang se A se boletšego go Abraham. Bjale, Ke mosetsebje, ga se a ke a ba fao pele. O rile, "Abraham, o kae mosadimogatša wa gago, Sarah?"

²⁴⁰ O tsebile bjang gore o bile le mosadimogatša? Gomme O tsebile bjang leina la gagwe e be e le Sarah? Bjale, Beibele e boletše gore Abraham o Mmoditše gore o be a le ka tenteng, ka morago ga Gagwe; ka tenteng, ka morago ga Gagwe.

²⁴¹ O rile, "Abraham, Ke ya go go etela go ya ka nako ya bophelo, yeo Ke go tshepištšego ngwana yo. Ke ya go go fa lona." Gomme Sarah, e sego go hlaboša, eupša o segile ka gare ga gagwemong.

²⁴² Gomme Morongwa, ka magetla a Gagwe go tente, o rile, "Gobaneng Sarah a segile?" Le bona seo? Jesu o rile seo se tla direga magareng ga Bantle, feela pele ga nako ya bofelo, Mesia o be a tla rothela fase ka sebopego sa Moya wo Mokgethwa.

²⁴³ Selo sa pele Mesia a thomilego go se dira e bile eng ge A be a kolobetšwa ka Jorodane, ka Moya wo Mokgethwa, O dirile eng? O thomile go fodiša balwetši.

²⁴⁴ Leswao la Gagwe la mafelelo e be e le eng, gomme leswao la Gagwe pele A ba furalela? Leswao lela thwi fale.

²⁴⁵ Na tsošeletšo ya pentecost e tlišitše eng? Go fodiša balwetši, mehlolo le maswao.

²⁴⁶ Selo sa mafelelo ke eng? Sese sona. Ke ba bakae ntle fale ba babjago gomme ba se nego karata ya thapelo? Phagamišetša seatla sa gago godimo. Eba le tumelo gomme o dumele. Yo mongwe o re, "Go reng ka yona, Ngwanešu Branham?" Moya wola wa Modimo, Yena yola Yo a dirago tshepišo, a ka se palelwe ka tshepišo. Lena ka ntle le dikarata tša thapelo, ke retollela mokokotlo wa ka go lena. Le rapele. Gomme ge Modimo e le Modimo, ge karabo ya Gagwe e le therešo, gomme ke le boditše Therešo go kgabola dibeke tše, gore le ke leswao la go bonagala ga Gagwe ga kgauswi.

²⁴⁷ E ka ba ofe wa go hlabologa, monagano wa go itekanelo o a tseba gore re bofelong bja se sengwe. Tlhabologo e ka se kgone go ema botelele e ka ba bofe. O no ba a logaganya le go roromela. E letile eng? Ke—ke kgale go fetile. "Bjalo ka ge go bile ka matšatšing a Noage," go pelofala. Ke nako ya tlaleletšo

ye e lepeletšego, bakeng sa Bakgethiwa. Ke kgale go fetile, eupša Modimo o letile go tliša Kereke ya Gagwe ka lenaneo. O letile wena le nna.

A nke A fe tšhegofatšo. Le rapele.

²⁴⁸ Ge mosadi a kgwathile morumo wa kobo ya Gagwe. Ba bangwe ba lena basadi ntle fale bjale, a nke se se be bjalo ka kanegelo ya Beibele. Ba bangwe ba lena basadi ba le dumelago bjale, le go dumela gore le na le tumelo go lekanelo go dumela Modimo, dumelang gore e ka ba eng Modimo a e boletšego ke therešo. Gomme go bile le mosadi yo monnyane a kgwathilego morumo wa kobo ya Gagwe. Gomme ge a kgwathile kobo ya Gagwe, O retologile go dikologa, o rile, “Ke mang a Nkgwathilego? Ke mang a Nkgwathilego?”

²⁴⁹ Gomme bohole ba e latotše. Ba rile, “Gabotse, yo mongwe le yo mongwe o a Go kgwatha.” Petro o Mo kgadile, o rile, “Yo mongwe le yo mongwe o a Go kgwatha. Gobaneng O boletše seo ka mokgwa wola?”

²⁵⁰ O rile, “Eupša Ke a bona gore Ke a fokola.” Yeo ke phetholelo ya maleba. “Bokwala bo tšwetše ka ntle ga Ka.” Gomme *bokwala* ke “maatla.” Ke ba bakae ba tsebago seo? “Bokwala bo tlogile go Nna.”

²⁵¹ Gomme O lebeletše go dikologa, godimo ga lešaba, go fihla A hweditše mosadi yo monnyane. Gomme O mmoditše gore taba ya gagwe ya madi e be e eme, gobane tumelo ya gagwe e be e mo fodišitše. A yeo ke nnete?

²⁵² Beibele e boletše, gore, “Yena thwi bjale ke Moprista yo Mogolo yo a kgonago go kgwathwa ke dikwi tša mefokolo ya rena.” A lena, bosetlaboswana, le dumela seo?

²⁵³ Bjale, elelwang, phodišo, ge A ka be a eme fa a apere sutu ye, yeo A mphilego, O be a ka se kgone go go fodiša. Ge o etla fa mo sefaleng, “Morena, a O tla mphodiša?” a o tseba se A bego a tla se bolela go wena? “Ke šetše ke dirile seo. Ke *ile* ka gobatšwa ka baka la dikarogo tša gago. Ka megogoma ya Ka o *ile* wa fodišitšwe.” Phološo le phodišo ke setšweletšwa se se feditšwego. Ke tumelo ya gago go se amogela.

²⁵⁴ Bjale, O be a tla dira se sengwe go netefatša gore O be a le Mesia. Bjale, dilo tše ga di netefatše gore ke Mesia e ka ba ofe. Ke nna modiradibe yo a phološitšwego ka mogau. Gomme ga go kgathale Modimo o be a tla ntlotša gakaakang, O swanetše go le tlotsa, le lena. E ka se šome feela le nna. Go tšeа wena, go e dira e šome. Ga go kgathale ke bontši gakaakang Moya wo Mokgethwa o kago go ya go nna, O swanetše go ba go wena, le wena. Eupša ge “Yena e le Moprista yo Mogolo yo a kgonago go kgwathwa ke dikwi tša mefokolo ya rena,” gomme Beibele e rile, “O a swana maabane, lehono, le go ya go *ile*,” gona O tla dira go swana. O mo, ka go rena. A le a e dumela?

Bjale, yo mongwe le yo mongwe, boloka setulo sa gago, eba le tlhomphokgolo, rapela.

²⁵⁵ Gomme a nke Morena Modimo a fe seo. Feela, Morena, hle. Batho ba ba go ratega . . . Ke nna . . . Morena, O tseba morero wa ka go beng fa. Gomme ke a rapela gore O tla ba dira ba bone, ge ba sa tsoge gape, ba dire ba tsebe gore go Tla ga Morena go batametše. Ba dire ba tsebe gore Melaetša ye mešoro ye, go bonagalago, e ba huduago, e sego go itshwara botswerer, e sego go ba wa ka . . . ka go nnamong. Eupša ka gobane O e tloditše, gomme o boletše bjalo. E netefatše, Morena. Ke boletše bakeng sa Gago. Bolela bakeng sa ka, Morena, gore mantšu a ka ke therešo, gobane a tšwa go Wena. Ke kgopela Leineng la Jesu. Amene.

Amogela pitšo ya gago. O se foše letšatši la gago.

²⁵⁶ Ke ba bakae ka mothalong wo wa thapelo ba lego basetsebje go nna? Phagamišetša seatla sa gago godimo, lena bohole le lego basetsebje. Lena bohole bao le lego ntle fale, basetsebje, phagamišang diatla tša lena.

²⁵⁷ Ga ke tsebe motho eupša Gene Goad a dutšego mo, Pat Tyler thwi fale. Ke bona ba nnoši ba ke ba bonago. Morwa wa ka a emego morago kua, yena a nnoši ke mo tsebago.

²⁵⁸ Mosadi yola a dutšego fale a fogohla mahlo a gagwe, a rwelego kefa ye khubedu, o dutše thwi fale. A o a dumela Jesu o go kwele ge o Mo kgopetše go fodiša gona go opa ga hlogo ya saenase? A o a dumela O go kwele? O be o rapela ka yona, a o be o sa? Ge yeo e le nnete, emeleta ka maoto a gago. Ge yeo e le Therešo, bea seatla sa gago godimo. Ge ke sa go tsebe, gomme o sa ntsebe, bea seatla se sengwe godimo, diatla bobedi. [Kgaetšedi o re, “Ke go bone pele.”—Mor.] Meme? [“Ke bile ka ditsošeletšong, pele.”] O bile ka ditsošeletšong tša ka, pele. Eupša, ke ra gore, ga ke go tsebe. [“Aowa.”] Aowa. Go lokile. Go lokile. Bjale di gomile. O ka kgona go ya gae gomme wa fola.

²⁵⁹ Ke nyaka go le botšiša se sengwe lena batho. Mosadi yola o kgwathile eng? Seatla sa ka sese, ga ke tsoge ka elelwa . . . O bile ka dikopanong. Bjale le tla re, “Go reng ka yo mongwe godimo fale bophagamong, tlase ka fa, mohlomongwe ka kopanong nako ye nngwe pele?” Ke be nka se tsoge ka tseba o be o le mang. Selo se nnoši ke se tsebago, gore o no ba . . . o be o no ba ka kopanong. Gomme šole yena. O kgwathile Sengwe. Gomme ke eng e dirilego . . .

²⁶⁰ Ke boletše, lebakana la go feta, Pilara yela ya Mollo. A ga le E bone? Ke ba bakae ba nago le seswantšho sa Yona bjale? Ba na le sona mo ka kopanong. Bjale, E lebega bjalo ka Pilara ya Mollo. A ga e? Gomme bjale, bophelo bja Yona, E tšweletša eng? Go swana. E sego nna, bjale. E, E tšweletša eng? Mediro ya go swana yeo E e dirilego ge E be e le ka go Morwa wa Modimo. Bjale E ka go barwa le barwedi ba ba beilwego ba Modimo, ka mogau wa Morwa wa therešo wa Modimo.

²⁶¹ Thwi fao, mohlomphegi. O nyaka go ya bokagodimo ga bothata bjoo bja pelo? Dumela gore Modimo o tla go dira o fole, o dutše thwi fao? O be o lebeletše, o makala, gomme gateetee maikutlo a mannyane a go se tlwaelege a rothetše godimo ga gago. Yeo ke nnete. Ga ke go tsebe. A ke a dira? Ga o ntsebe gomme ga ke go tsebe. Ge seo e le therešo, emišetša seatla sa gago godimo. A o dumela gore bothata bja gago bja pelo bo ile? Šišinya seatla sa gago. Go lokile, gona bo ile. O a bona?

O a dumela?

²⁶² Mohumagadi šo o dutše thwi ntle ka *fa*. A ga le kgone go bona Seetša sela godimo ga mosadi yola? O na le bothata bja sabohloko. O ya go e foša. (Modimo, thuša.) Mohumagatšana Small, a o a dumela Modimo o tla go fodiša bothata bjoo bja sabohloko? [Kgaetšedi o re, "Amene."—Mor.] Gona ema ka maoto a gago. O bile le tumelo ye ntši go feta ka fao o nagannego o bile le yona. Ga ke tsebe mosadi. Woo e be e le mogau wa Modimo. Ge re le basetsebane, šišinya diatla tša gago ka mokgwa *wo*, mohumagadi. Fao. Ga ke go tsebe. Eupša se A go boditšego, a ke Therešo? Phagamišetša seatla sa gago godimo. Se A se boletšego? Go lokile. Gona eba le tumelo, gomme eya gae gomme o fole.

Ge o ka kgona go dumela!

²⁶³ Mohumagadi yo a dutšego thwi fa, ka bothata bja mpa, ka mpeng. Ee, Effie, ke yena ke bolelago ka yena. Ema Effie. A bjoo e be e le bothata bja gago? [Kgaetšedi o re, "Therešo."—Mor.] Ga ke go tsebe. Ge yeo e le therešo, phagamišetša diatla tša gago godimo. Ga se ka ke ka go bona ka bophelong bja ka. Modimo Legodimong o tseba seo. Eya gae. Go fedile. Modimo a go šegofatše.

²⁶⁴ Ge o hwela ka dibeng tša gago, e ka se be phošo ya Modimo. O ka no ba o botega go kereke ka mehla, eupša modiradibe ke mosedumele. Eba le tumelo go Modimo. Go lokile.

²⁶⁵ Bjale, batho ba mo, wo ke mothalo wa thapelo, go bea diatla godimo ga balwetši. A le ya go e dumela, go sa kgathale? Bjale, bao ke batho ntle le karata ya thapelo, moo mothalo wa tlhatho o lego, ntle fale ntle le karata ya thapelo. Bjale, ka moka ga lena thomang go dumela.

²⁶⁶ Le se sepele go dikologa. Le a bona? Yo mongwe le yo mongwe wa lena ke moya. Le a bona? Yo mongwe le yo mongwe wa lena ke moya. A le be le tseba seo? Ba be ba ka se ke, le be le tla hwa. Kafao, ke moya wa gago ke bolelago ka ona, e sego wena. Ke moya wa gago.

²⁶⁷ Etlal mo, mohumagadi. A o ntumela go ba mohlanka wa Modimo? [Kgaetšedi o re, "Ee, mohlomphegi."—Mor.] Re basetsebane seng sa rená. ["Ee, mohlomphegi."] Ga re tsebane seng. Ge seo e le nnete, kafao batheeletši, godimo ka bophagamong, kwešišang, e no phagamišetša seatla sa gago godimo, ge re le basetsebane, re se ra ke ra kopana. Fa go

ponagalo. Go beng gore wa pele ka mothalong e be e le mosadi, Mokgethwa Johane 4 še, monna le mosadi, ba a kopana, lekga la mathomo bophelong. Ge wo e le Moya wa Kriste fa magareng ga rena, gona O tla šoma mediro ya Kriste.

²⁶⁸ Ka kgopelo le se ke la šutha. Bjale, le no senya di—di... Le—le gobatša ba bangwe. Le a bona? Ke ne taolo ya yo mongwe le yo mongwe wa lena. Ke leka go le thuša. Homolang ka kgonthé le tlhomphokgolo. Go lokile.

²⁶⁹ Ge Morena Modimo a ka mpotša se sengwe ka wena... Ge nka tla godimo fa... Mohlomongwe o a babja. O ka no se be, eupša ge—ge o le, gomme ke tla fa le go no bea diatla tša ka go wena, o rile, “O ya go fola, mohumagadi,” o ka kgona go dumela seo. Gobane, yeo ke—yeo ke therešo. Eupša ge Moya wo Mokgethwa o eme fa gomme...

²⁷⁰ Go ka reng ge—ge yo e bee le Morena Jesu a apere sutu ye, a eme mo, gomme o be o tla re, “Mphodiše. Mphodiše, Morena”? O be a tla re, “Ke šetše ke e dirile.” Eupša O be a tla dira se sengwe boka A dirile ge A be a le morago fa pele, boka A dirile mosadi mo sedibeng, go le dira le tsebe gore yoo ke Mang. O mo dirile bjang go tseba? Ka go mmotša se sengwe seo se bego se le ka bophelong bja gagwe. A yeo ke nneta, batheeletši? Lena bohle setlaboswana? O be a tla bolela se sengwe seo se bego se le ka bophelong bja gagwe.

²⁷¹ Bjale ge A ka bolela se sengwe seo se lego ka bophelong bja gago, boka A dirile go Simone Petro, goba boka A dirile go yo mongwe ka Beibeleng, ka tsela ye A dirilego, gona seo se tla go fa tumelo ye ntši.

²⁷² A e tla fa yo mongwe le yo mongwe wa lena tumelo, go dumela?

²⁷³ Bjale, še yona, gabotse, e sego ka morago ga digaretene tše dingwe tše ntsho, e sego tlaišo tsoko ya diabolo, eupša thwi fa mo sefaleng le lena, go tšwa Mantšung a Beibele. E ka no ba go nyama gannyane ka thutabomodimo, eupša ke Lengwalo go no swana. Le a bona?

²⁷⁴ Ge ke be nka kgona go le thuša, gomme ka se e dire, ke be ke tla ba moitiriši. Ke be nka se be le maswanedi go ema fa ntle le Beibele ye, ge ke be nka kgona go le thuša gomme ka se ke. Nka se kgone go le thuša. Selo se nnoši nka kgonago go se dira ke go le dira le lemoge se sengwe, gore Kriste o mo go go fodiša, go go dira o fole ge o babja.

²⁷⁵ O a babja. O tshwenywa ke bothata bja sehumagadi. Ke bothata bja sesadi. Yeo ke nneta. Ge seo e le nneta, phagamiša seatla sa gago.

²⁷⁶ Gore le se ke... le tla tseba gore ga ke thanke. Motsotso feela. Bea se sengwe pelong ya gago, gomme e no rapela wenamong, ka pelong ya gago, go e ka ba eng o nyakago Modimo go e dira.

Ya. O ne se sengwe pelong ya gago gonabjale? Ke monnamogatša wa gago. Ke monnamogatša wa gago. O a dumela Modimo a ka mpotša se e lego phošo ka yena? [Kgaetšedi o re, “Ee, mohlomphegi.”—Mor.] Ke se sengwe sa phošo ka bjokong. Se bitšwa, boka go thatafala ga tšhikakgolo ka bjokong. Yeo ke therešo. Yeo ke nnete. Ge Modimo a ka mpotša ke wena mang, a e tla go dira o be le tumelo ye ntši? O a e dumela, ka pelo ya gago yohle? [“Ee, mohlomphegi.”] Nancy Gillespie, eya gae, Jesu Kriste o go fodištše le monnamogatša wa gago, le go le dira le fole. Iša sakatuku seo go yena. Yeo ke therešo. A ga se yona? [“Ee.”] Go lokile. Eya pele tseleng ya gago.

²⁷⁷ Bjale a le dumela Modimo? E nong go ba le tumelo. Le se ke la kamaka.

²⁷⁸ Bjale ke ya go kgopela kereke ye kgolo ye fa ge le ka rapela le nna bakeng sa batho ba. Yoo ke mama wa yo mongwe, papa wa yo mongwe, moratiwa wa yo mongwe, monnamogatša wa yo mongwe. Rapela.

²⁷⁹ Le se sepele go dikologa, hle. Le no . . . Le no senya kopano. Swarang go homola ka kgonthe gomme le rapele. Re tla phatlalatšwa mo metsotsong ye lesome ge le ka no tšwelapele—nno bang tlhomphokgolo.

²⁸⁰ Ebla, mohumagadi. Ge ke sa bolele lentšu le tee, gomme ka no go rapelela, o a e dumela?

Morena Jesu, ke a rapela gore O tla mo fodiša, Leineng la Jesu.

Ebla, ngwanešu wa ka. Dumela ka pelo ya gago yohle.

²⁸¹ Tate wa rena wa Legodimong, Leineng la Jesu Kriste mo dire a fole. Amene.

²⁸² Modimo a go šegofatše, ngwanešu wa ka. [Ngwanešu o re, “Mosadimogatša wa ka o mo, o na le yo mongwe. . . ? . . .”—Mor.] Go lokile, mohlomphegi, wena etla. Seo ga se dire nthatana ya phapano, mohlomphegi. Aowa. Go lokile. Ke tseba se e lego phošo ka wena, eupša ga go bohlokwa bja go go botša. O a nagana, a e tla go thuša ge ke go boditše? [“Aowa.”] E be e ka se go thuše. Go lokile. Eupša, go le bjalo, bothata bja gago bja pelo bo go tlogetše ge o tloga fale. Kafao nno ya pele tseleng ya gago, o hlalala, o re, “Ke a Go leboga, Tate.”

Ebla, mohlomphegi.

²⁸³ Leineng la Morena Jesu, Tate, ke a rapela gore O tla mo fodiša. Amene.

Dumela bjale.

²⁸⁴ Eba le tumelo bjale, kgaetšedi. Etlang, boka sohle se . . . Lebelelang, go nyakile go ba batho ba dikete tše tharo fa ba a le rapelela bjale.

Leineng la Jesu, a nke a fodišwe. E fe, Tate.

²⁸⁵ Etla. Mohlomphegi, atheraithisi e tla go hwetša, letšatši le lengwe, ge o se ne tumelo bjale. O a e dumela bjale? Gona sepela gomme o fodišwe, Leineng la Jesu Kriste.

Etla, kgaetšedi.

²⁸⁶ Tate, Modimo, Leina la Morena Jesu, fodiša kgaetšedi wa rena. Amene.

Etla, o dumela bjale.

Yo mongwe le yo mongwe dumela gomme o rapele.

²⁸⁷ Tate wa Legodimong, ke a rapela gore O tla mo fodiša, Leineng la Jesu. Amene.

²⁸⁸ Etla. Bjale, ngwanešu, ge re bile le dipono bakeng sa yo mongwe le yo mongwe, e tla no... wena... Ba tla swanelo go nthwalela go tloga sefaleng; le a bona, ke tla ya tlase. Eupša gore o ke o tsebe, eya pele gomme o je selalelo sa gago bošegong bjo. Se tla latswega gabotse ka kgonthe. Bothata bja mogodu bo go tlogetše. O a bona? Eya gomme o je. Go lokile.

Etla, kgaetšedi.

²⁸⁹ Ke dira seo bakeng sa morero, go itahlela nnamong, bagwera. Gobane, dipono... Ke ba bakae ba tsebago gore Jesu o rile, “Bokwala bo tlogile go Nna”? Ke, gonabjale, ke no ba ka kgonthe, go fokola ka kgonthe.

²⁹⁰ O Tate, ke a rapela gore O tla fodiša kgaetšedi wa rena. Leineng la Jesu, e fe.

²⁹¹ Etla, kgaetšedi morategi. O se belaele bjale. Etla, o dumela ka pelo ya gago yohle.

²⁹² O Morena, Leineng la Kriste, fodiša kgaetšedi wa rena. Mo fe phenyo ya gagwe, Morena.

²⁹³ Etla, kgaetšedi wa ka. Beibele e rile, “Maswao a a tla latela bona ba ba dumelago.”

Leineng la Jesu, a nke a fodišwe. Amene. E fe.

²⁹⁴ Etla, kgaetšedi. Bothata bja gago bja mokokotlo bo go tlogetše, gore o kgone go ya tseleng ya gago, o thakgetše.

²⁹⁵ A le a dumela? Le a bona? Gobaneng, gobaneng? Theetšang. Ke nyaka go le botšisa. Theetšang, bagwera. Ge bona batho ba etla kgaušwi fa... Beibele, E re, “Ba bea diatla go balwetši, gomme ba tla welwa ke maruru,” e no ba bontši go ba botša. A ga le dumele Seo? Ka kgonthe, le a dumela.

²⁹⁶ Lebelela fa, mohlomphegi. O ntumela go ba mohlanka wa Gagwe? Bjale, go na le mosadi ke mo emišitšego nakwana ya go feta; o monna. A o a dumela gore Modimo a ka kgona go mpotša mathata a gago? [Ngwanešu o re, “Ee, mohlomphegi.”—Mor.] Gomme—gomme a go dira o fole? [“Ke na le e ka ba tše nne goba tše tlhano dilo tša go fapano tše di fošagetšego mo.”] Ee, mohlomphegi. Gabotse, wena, bothata bja mogodu wa

gago ke selo se tee se go tshwenyago, nthatana. Yeo ke nnete. Ee, mohlomphegi. Ee, mohlomphegi. Le thatana ya gago ya proseteite. Ee, mohlomphegi. Ka baka la gore, proseteite ya gago e, go dira gore o tshoge, gomme seo ke se se go nyamišago. Seo ke therešo tlwa. O nagana mosadimogatša wa gago a ka fola, le yena, ge o ka dumela? Go lokile. Ge o ka dumela ka pelo ya gago yohle, gona mosadimogatša wa gago a ka kgona go fodišwa. [“O a babja.”] Ya. Letšhogo, le go nyama, le bofokodi, le dilo. O dumela ka pelo ya gago yohle bjale, o tla fodišwa? Eya pele ka tsela ya gago gomme o re, “Ke a Go leboga, morategi Morena Jesu,” gomme o tla fola, le yena.

²⁹⁷ Morena Jesu, ke a rapela gore O tla thuša yo, O Morena, le go e dira gore ya gagwe... Letago la Modimo le tla tla godimo ga gagwe, gomme o tla fodišwa. Leineng la Jesu Kriste. Amene.

²⁹⁸ Bjale sepela, o dumela, Mna. Dodd, gomme dumela ka pelo ya gago yohle, gomme o fole. Go lokile.

Etla, mohlomphegi.

²⁹⁹ Tate wa Legodimong, ke a rapela gore O tla fodiša ngwanešu wa rena le go mo dira a welwe ke maruru, Leineng la Jesu.

Etla, kgaetšedi, mo. Mo dumele ka pelo ya gago yohle bjale.

³⁰⁰ O Modimo, Tate wa rena, ke a rapela gore O tla mo dira a fole, Leineng la Jesu.

³⁰¹ Etla, ngwanešu, tliša yo monnyane. O se belaele bjale. E no mo tliša thwi go mmogo, boka o be o etla thwi ka tlase ga sefapano.

Morena, ke ba šegofatša Leineng la Jesu. Amene.

Etla, kgaetšedi. Etla, o dumela bjale ka pelo ya gago yohle.

Tate, Leineng la Jesu, ke a rapela gore O tla mo fodiša. Amene.

³⁰² Dumela bjale gomme o be le tlhomphokgolo ka kgonthe. Dumela ka pelo ya gago yohle.

³⁰³ Leineng la Morena Jesu, a nke a fodišwe, Morena. Amene.

³⁰⁴ Etla, kgaetšedi, o dumela ka pelo ya gago yohle. Dumela gore o tla fola bjale le go amogela go bona ga gagwe le tšohle.

³⁰⁵ O Morena, ke a rapela gore O tla mo fodiša, Leineng la Jesu Kriste. Amene.

³⁰⁶ Bošegong bjo bongwe, ke rapelela mošemane yo monnyane, a ka ba lesometlhano, mengwaga ye lesometshela bogolo. O fetile go kgabola, moisa yo monnyane; tumelo ye kgolo. Ke mo lebeletše. Ke rile, “Nnete, o a tseba, morwa.” Gomme—gomme kafao o ile pele ntle, a sepelela thwi tlase kua. Gomme mošemane yo monnyane, a belegwe a foufetše, o amogetše pono ya gagwe, gomme a goelela morago, “Oo, Ngwanešu Branham, ke kgona go bona.”

³⁰⁷ Mo go robetše, ka mo, lenti go tšwa go lesea, lesea la hlogomeetse. E šošobane godimo ga bontši *bjoo*, ka bošego bjo botee, go no feta kgauswi. Dilo di a direga. O swanetše go dumela, go le bjalo. Le a bona? Ga se lena dikgogo. Le dintšhu.

Etla.

³⁰⁸ Leineng la Jesu, Morena, a nke a fole bakeng sa letago la Modimo. Amene.

Etla, o dumela, o na le tumelo.

³⁰⁹ Le a tseba, se sengwe se sengwe... Le tseba se ke se naganago, bagwera? Nna, ga ke, ga ke kgadimotše batho, eupša ke nyaka le tsebe selo se tee. Re na le thelebišene ye ntši kudu ka maphelong a rena. Re nyaka boithabišo. Ga re... Modimo ga a bontšhe dilo tše go le thabiša. O nyaka le lemoge Bogona bja Gagwe. Tšona dilo di ka direga go yo mongwe le yo mongwe, eupša go tla nyaka go bolaya; oo, nka se ye go kgabola mothalo.

³¹⁰ Fa, etla fa, mohumagadi. Wena le nna re basetsebane yo motee go yo mongwe. O nagana gore Modimo a ka kgona go mpotša gore bothata bja gago ke eng? [Kgaetšedi o re, “Uh-huh.”—Mor.] A—a e ka go thuša?

³¹¹ A e tla le thuša bohole ge—ge Modimo a boletše se sengwe bjale go mosadi yo?

³¹² Ke tsebe ya gago. A o a dumela gore Modimo o tla e dira gabotse? [Kgaetšedi o re, “Gabotse, leboga Modimo! Ee.”—Mor.] O tšhogile ke kankere. Gomme e ka tsebeng ya gago ya nngele. A yeo ke nnete? [“Yeo ke nnete.”] Gabotse, e bile, eupša ga e gona bjale. Bjale, lebelela. A o dumela Modimo? [“Ke a dira.”] Ge Modimo a ka mpotša ke wena mang, a e tla go thuša? Go lokile, Ruby Thompson, eya gae gomme o dirwe go fola, Leineng la Jesu Kriste. O a bona? Eba le tumelo.

³¹³ Etla bjale. O se belaеle. Modimo a ka mpotša bothata bja gago. A o ka nagana e tla go thuša? [Kgaetšedi o re, “Ee.”—Mor.] Ka gona, bolwetši bja swikiri, bothata bja pelo, sepela tseleng ya gago gomme o dirwe go fola, gomme dumela Modimo. Ee. [“...?...”] Bjoo e no ba botšofadi bo etla godimo ga gago. Bjale, e no ya, o dumela.

³¹⁴ O Morena, ke a rapela gore O tla fodiša ngwanešu wa rena le go mo dira a fole. Amene. Modimo, e fe.

Etla, kgaetšedi morategi.

Leineng la Morena Jesu, a nke a fodišwe. Amene.

Go kgopela ditšhegofatšo tša Modimo, e ka palelwā bjang?

Leineng la Jesu Kriste, a nke e be, Morena. Amene.

Etla, ngwanešu wa ka.

³¹⁵ Leineng la Jesu Kriste, a nke ngwanešu wa rena a fole. Amene.

³¹⁶ Etla, ngwanešu morategi. Modimo a go šegofatše. Tliša mme thwi godimo. Etla pele, kgaetšedi.

Leineng la Jesu Kriste, a nke o fodišwe.

Etla.

Leineng la Jesu Kriste, a nke kgaetšedi wa rena a fole bjale.

³¹⁷ Ya. Dumelang bjale. Selo sa go swana se tla direga tlase fao, ge le ka se belaele.

³¹⁸ O Modimo, šegofatša yo wa go šokiša, ngwanešu morategi. Ke a rapela, Tate wa Legodimong, gore O tla mo fodiša le go mo dira a fole. Gomme a nke go tle go phethega gore o tla amogela pono ya gagwe gomme a dirwe go fola, Leineng la Jesu. Amene.

³¹⁹ Eba le tumelo bjale. O se belaele. Ga ke kgone go fodiša. O no ba fa. Yena ke mofodiši. Se belaele. Eba boka sefou Baratamio, tšwelapele o lebeletše diatla tša gago.

³²⁰ Leineng la Jesu Kriste, a nke kgaetšedi yo a fodišwe. Go lokile.

Etla, kgaetšedi, morategi.

A le a dumela, yo mongwe le yo mongwe? Kgonthe . . .

³²¹ Se sengwe se diregile. Motsotso feela. Moisa yola a dutšego fale, o na le asma, mohlomphegi. Yeo ke nnete. O be o rapela. O retologile go dikologa, go re, “A seo ga se makatše?” Ke tla go botša selo se sengwe. Ba ntšeditše e ka ba pedi tharong ya mogodu wa gago ntle, bakeng sa bothata bja mogodu. Yeo ke nnete. A ga se yona? Ge seo e le nnete, šišinya seatla sa gago. Gomme re basetsebane seng sa rena. Jesu Kriste o go fodišitše. Tumelo ya gago e go dirile o fole. Eya pele tseleng ya gago, o hlalala.

Oo, se belaele. Dumela.

³²² Go lokile, mohumagadi. O . . . Ema motsotso. Bjale, ga o fa bakeng sa wenamong. O mo bakeng sa yo mongwe gape. Yeo ke nnete. Gomme ngwaneno ga a mo. Ngwaneno ebile ga a ka go naga ye. O ka St. Louis. O ka sepetele. O na le bothata bja pelo. Gomme o, o be a le modiredi. Gomme o naganne ge ke fetile kgauswi le go bea diatla godimo ga gago, gore o . . . Ke “be nka se tsebe” se ke bego ke bolela ka sona. Eupša ke tsebile. Kafao, o ya tseleng ya gago, gomme o ya go fola, ke a dumela. Go lokile. Eba le tumelo. E no ya pele.

³²³ Go na le mosadi yo mongwe ka mo, a naganago selo sa go swana thwi bjale, ka morwedi yo a bolailwego. Mdi. Weatherman . . . Waterman, ke yena. Mdi. Waterman, dumela ka pelo ya gago yohle bjale. Morwedi wa gago o tšeetšwe morero. O se belaele, dumela Modimo.

³²⁴ O Modimo, Leineng la Jesu Kriste, a nke a—a fodišwe. Amene.

Etla, dumela bjale ka pelo ya gago yohle.

³²⁵ O Morena Modimo, Mohlodi wa magodimo le lefase, efa phodišo ya mosadi yo, Leineng la Jesu Kriste. Amene.

Dumela bjale.

³²⁶ Bjale lebelelang, ga go ne kalafi ya sehlare. Eupša go ne kalafi ya Legodimo. Yeo ke nnete. O a e dumela? [Kgaetsedi o re, “Kgonthe.”—Mor.] O tla itekanelo le go fola.

³²⁷ Rogaka, ke rogaka diabolo yo yoo a dirilego bobe go ngwana yo. Gomme ke tloša thogako ye go tloga go lona, Leineng la Jesu Kriste. A nke e be ngwana wa go itekanelo. Amene.

E swanetše go ba. Go lokile.

Eya mmogo, o hlalala. Fola gomme o je selalelo sa gago gomme... Go lokile.

Etla, mohlomphegi. Mo dumele, ka pelo ya gago yohle.

Leineng la Morena Jesu, a nke a fodišwe. Amene.

³²⁸ Seo se rathile mafelo a mantši kudu ka go batheeletši! Motsotso feela. Gore, ke ba bakae ka fa ba nago le mogodu wa go tšhoga, go le bjalo? Phagamiša seatla sa gago. E no ba bontši kudu, ga ke kgone... Le a bona fale? Yo mongwe le yo mongwe wa lena, o na le mogodu wa letšhogo, emeleta ka maoto a gago. Še tsela ye o le fedišago. Ema ka maoto a gago, motsotso feela.

Šišimala, mohlomphegi. Sepela, o dumela, ngwanešu wa ka.

Leineng la Jesu Kriste, a nke o fodišwe.

³²⁹ Etla bjale. Dumela ka pelo ya gago yohle. O a dumela, kgaetšedi? Leineng la Jesu Kriste, a nke o fodišwe.

³³⁰ Go tšhoga, ka mehla go bile, bophelo bja gago bjohle.

³³¹ Yo mongwe le yo mongwe a tshwenywago ke bothata bja letšhogo, le pshio, ema ka maoto a gago. Emeleta ka maoto a gago, yo mongwe le yo mongwe yo a nago le bjona.

³³² Sepela, o dumela bjale. Eba le tumelo. Le a bona? Ema thwi tlase fale.

³³³ O Morena Modimo, ke rapela Wena go ba le kgaogelo godimo ga ngwanešu wa rena, le go mo dira a fole, Leineng la Jesu Kriste. Amene.

Eba le tumelo. O a dumela bjale, kgaetšedi morategi?

³³⁴ Leineng la Morena Jesu, a nke a fodišwe, Tate, bakeng sa letago la Modimo.

Se sengwe se a direga.

³³⁵ A seo ke sohle sa yona, Billy? [Ngwanešu Billy Paul o re, “O ne yo mongwe gape.”—Mor.] Ya. Ya.

³³⁶ Etla mo, mohlomphegi. Re basetsebane yo motee go yo mongwe? [Ngwanešu o re, “Nnete.”—Mor.] Modimo o a re tseba bobedi, a ga A? [“Kgonthe.”]

³³⁷ Oo, e no ba e direga mogohle. Elelwang, bareri, baena ba ka, banešu ba ka ba bohlokwa ba ntšu, ge ke tlogile mo, lebaka la dibeke, o tla hwetša phuthego ya gago e paka ka go fodišwa. Ba fodile, eupša ga ba e tsebe. Le a bona? Le a bona? E no ba e direga mogohle. Gobaneng re sa kgone go ba le mohuta wo wa tumelo le go thoma, bagwera? Ye ke yona.

³³⁸ A o a dumela gore Modimo a ka kgona go go thuša? A o a dumela gore Modimo a ka kgona go mpotša gore bothata bja gago ke eng? [Ngwanešu o re, “Ee, mohlomphegi.”—Mor.] O na le go opša ke hlogo go go šoro. O na le tlhaselo ya seesi. E hlotšwe ke sehloga ka molaleng. Yeo ke nnete. O a dumela Modimo o a tseba gore o mang? [“Ke a dira.”] O modiredi. Leina la gago ke Mor. Jack Cole. Yeo ke nnete tlwa. Sepela, dumela, mohlomphegi.

³³⁹ Yo mongwe le yo mongwe wa lena, o ne tlhaselo ya seesi goba o ne go opša ke hlogo, ema ka maoto a gago. Motho yo mongwe le yo mongwe, a babjago, ema ka maoto a gago.

³⁴⁰ Oo, Modimo! Go ka direga eng ge e ka no dira! Go ka direga eng! A le a e dumela? Ke badumedi ba bakae ba lego mo, ba kgodišegilego gore selo se ke Moya wo Mokgethwa? Phagamišetša seatla sa gago godimo. Nka se kgone go dira dilo tšeо. A le badumedi?

³⁴¹ Beanang diatla tša lena go lena seng gomme le kgopele diabolo go tlogela motho yo le nago le diatla tša lena godimo ga gagwe. Thapelo ya gago e no ba ye botse bjalo ka ya ka. Bea diatla tša gago godimo, yo motee go yo mongwe. Yeo ke nnete.

Mohumagadi, godimo *kua*, bolwetši bja mafahla bo go tlogetše nako yeo.

³⁴² Bothata bja proseteite bo go tlogetše, ngwanešu. O ka bea diatla tša gago fase le go goelela ditumišo.

³⁴³ TB, ka mohumagadi yola yo monnyane a emego thwi fale, e ile. E lebale. Jesu Kriste o go dira o fole.

Ye ke yona, bagwera. A re feng Modimo tumišo.

O Morena, O mo.

³⁴⁴ Ke ahlola diabolo, ka go mediro yohle ya gagwe. Ke ahlola moya wo mongwe le wo mongwe wo mobe. Sathane, o senotšwe. O sotšwe, Leineng la Jesu Kriste. Ke a go laela, ka Modimo yo a phelago, etšwa go batheeletši ba. O ka se kgone go ba dira ba belaele, botelele e ka ba bofe. Moya wo Mokgethwa o itirile Yenamong kgonthe pele ga bona. O ka se kgone go ba dira ba belaele, gape. Ba na le diatla yo motee godimo ga yo mongwe. Jesu o rile, “Maswao a a tla latela bona ba ba dumelago: ge ba bea diatla tša bona go balwetši, ba tla welwa ke maruru.” Sathane, o lahlegile.

³⁴⁵ Jesu, O a thopa. O Modimo wa Legodimo. A nke maatla a bolwetši le maatla a diabolo a robege, godimo ga batho ba, Leineng la Jesu Kriste. 

60-0403 Bjalo Ka Ntšhu E Hlatha
Municipal Auditorium
Tulsa, Oklahoma U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org